

M317: Hugo von Langenstein: Martina

- 1,0 Disz buoch horet zu den Carthusen zu basel Diz ist sancte martinvn bvoch
einer meagede von Rome dvi einlif marter erlitten hat .
- 1,1 Swie lvizil ich der fuoge han .
- 1,2 So wil mi- h'ze niht abe gesta-
- 1,3 Ez welle minen tumben sin
- 1,4 Uf verlust ald vf gewin
- 1,5 Wisen sundir minen dank
- 1,6 Swie dc ich si an witze- crank
- 1,7 Un- ovch so lvizel kvnste pfleg
- 1,8 So wil ich vf trostis weg
- 1,9 Mit der gedinge stepphin
- 1,10 Mit zvoversihte schepphin
- 1,11 Kvnst der ich niht selbe ha-
- 1,12 Vn- von nature der ir lan
- 1,13 Dez ich vo- warheit wol enthebe
- 1,14 Da vo- ich kvnsteloser hebe
- 1,15 Ein swere burde
- 1,16 Div lihte har nach wurde
- 1,17 Mit so wol geringet
- 1,18 Dez doch min herze dinget
- 1,19 Dc ich si lihte wol getrage
- 1,20 Mit gotis helfe als i v sage
- 1,21 Ich tihte niht dur oede- rvon
- 1,22 Swie ich doch oedecliche- tuon
- 1,23 Ich tihte dur wille- ein' megde
- 1,24 Div dirre welte geiegde
- 1,25 Unerdrozzin hat geiagt
- 1,26 Dc man von ir wurde sagt
- 1,27 In himil vn- vf erde
- 1,28 Da ist ir name so werde
- 1,29 Geschriben an dc lebinde buoch
- 1,30 Da von so sol si habin ruoch
- 1,31 Min un- menges armen
- 1,32 Vn- vbir vns erbarmen
- 1,33 Dc wir iht erwarmen
- 1,34 Under dez tiefils armen
- 1,35 Nv tuo vf h're mine- munt
- 1,36 Die zvnge mache mir gesv-t

1,37 Ze reden dez ich niht wol kan
1,38 Vn- doch ze sprochin wille- ha-
1,39 D' den hohin wissagen
1,40 Siner sprache hiez gedage-
1,41 Den reinen zacharias
1,42 Dc er niht wol gelovbic wc
1,43 D' uil hohin botschaft
1,44 Un- der gotlichin craft
1,45 Div im von gabrielis munt
1,46 Dur vnsir heil wc worde- kv-t
1,47 Von sinem svn Iohannes
1,48 Dc doch hohirs mannis
1,49 Uon wibis libe nie wart geborn
1,50 Ein vorlovfer wc erkorn
1,51 Der selbe Jesu Christo
1,52 Dc lazín wir nv wesin so
1,53 H're la mich erwachin
1,54 Mir dir la minen rachin
1,55 Ze sprechin sunder ruomen .
1,56 Entsluize minen guomen
1,57 Der dez esils munt entsloz
1,58 Dar vz menschlich sti-me floz
1,59 Dez wissagen Balaam
1,60 D' dur valschir miete kram
1,61 U'fluechin wolde din eige- luite
1,62 Herre vatir sende huite
1,63 Dur dinir tugende volleist
1,64 Mir den werden trostgeist
1,65 Den dv dine- ivngeren
1,66 Santost die wol hung'en
1,67 Mohte . nach der genade din
1,68 Dc siv dar nach wol tati- schi-
1,69 Wan in wc alliv sprache kv-t
1,70 Un- machiten sieche- vil gesv-t
1,71 An sele vn- ovch an libe
1,72 An manne- vn- an wibe
1,73 Hilfe herre dc ich belibe
1,74 An fride vn- ich geschribe
1,75 Ein teil diner wunder
1,76 Div dv hie vor besund'
1,77 Uorhtest . in diner gotheit
1,78 Div sint ze tief vn- ze breit
1,79 Un- menschin sin ze lasse
1,80 Wie dv vz der ersten masze
1,81 Div da heizit Jerusalem
1,82 Da inne solche wile
1,83 Div erde lac von gotis sin
1,84 Und' den elem-ten dr in

- 1,85 Als si mit nebil wer bedaht
 1,86 Vn- lac alda gar ane maht
 1,87 Un- beit alda vntz vf dvi zil
 1,88 Dc got siner wunder spil
 1,89 Begienc mit den element
 1,90 Div er berihte mit ir rent
 1,91 Vn- siv do von einand' schiet
 1,92 Als im sin hohiv wisheit riet
 1,93 Dar zvo dc wit abgruinde
 1,94 Dc mit dez wazzirs vnde
 1,95 Erfullit wart vn- menic hol
 1,96 Dar vz so flvizit ane zol
 1,97 Uns vil menic brvnne clar
 1,98 D' sueze clinget dur dc iar
 1,99 Vn- menic herze erfrovwet
 1,100 Dez frovde wart gestrovwet
 1,101 Un- och die erde fuihtet
 1,102 Erglenczit vn- durlivhtit
 1,103 Wirt menic lihtiv heide
 1,104 Mit mengem vnderscheide
- 2,1 Die wir nv schin beide
 2,2 In frovde vn- ovch in leide
 2,3 Nv wc der mensche werde
 2,4 Gemachit vf der erde
 2,5 Dc er da solte mit genuht
 2,6 Niezin da die suezin fruht
 2,7 Dc er dem herrin sund' wanc
 2,8 Seit lob . vn- iemer danc
 2,9 Dez craft er vf der erde sach
 2,10 Un- an dem himellichim tach
 2,11 Dc er mit mengem wund'
 2,12 Gezierit hat besunder
 2,13 Da stat div lihte su-ne
 2,14 Div menic b'ndiv wunne
 2,15 Dez tagis git der tumbe- welt
 2,16 Div vil crankis widergelt
 2,17 Git dem hohin herrin
 2,18 Dc mac ir wol gew'rin
 2,19 In zierit ovch der mane
 2,20 Wir muezen liehtis ane
 2,21 Dez nahtis iemir mere sin
 2,22 Wan dc vns luhtet ie sin schi-
 2,23 Man siht in schone schinin
 2,24 Wahzin vn- swinin
 2,25 Als im von gote geordint ist
 2,26 Wer mac so mengen spehi- list
 2,27 Erschriben . vn- erlernen

2,28 Als er mit den sternen
2,29 Gewund't an dem himil hat
2,30 Die er so wehzillichin lat
2,31 Lovfinde . vmbe swenkin
2,32 Wer mohte dc bedenkin
2,33 Un- der planeten sunderganc
2,34 Wan etteslichis lovf ist lanc
2,35 Ee . er begrife den vrsprvnc
2,36 So st menic alt . vn- dc zvo iunc
2,37 Uon dirre welt gescheiden
2,38 Ze frovden al ze leiden
2,39 Er hat gezierit ovch de- luft
2,40 Dur sinen gotlichin guft
2,41 Mit mengem vogil sund'lich
2,42 Genatuiet wunderlich
2,43 Dc siv ir schepher . schone lobe-
2,44 Vf erde vn- in den luften obin
2,45 Als man vil dicke hoerit
2,46 Ir sanc . vns truren stoerit
2,47 Er hat div wazzir vn- dc mer
2,48 Gezierit mit menge- sund'h'
2,49 Dc in dem wazzir fl%uizit
2,50 Dez och der mensche genvizit
2,51 Un- dicke har genozin hat
2,52 Er hat vns menge- sund'rat
2,53 In dem wazzir gefueget
2,54 Dc sin milte rueget
2,55 Wan div grostu creatuir
2,56 Die got in lebinder natuir
2,57 Ie geschuof dc ist der visch
2,58 D' in dem wilden mer so frisch
2,59 Frolich fluzit . vn- vert
2,60 Un- nvizit dc im ist beschert
2,61 So wont ovch vf der erde bort
2,62 In meng wis . an menge- ort
2,63 Menic tier . so wunderlich
2,64 Dem vnsir herre sunderlich
2,65 Sin natur hat gegeben
2,66 An der geschephede . vn- an dem lebi-
2,67 Diz allis hat dem mensche- got
2,68 In sin gewalt . vn- sin gebot
2,69 Gegeben vn- in z einem voget
2,70 Dar vbir gesat swie dic erbroget
2,71 Gein im d' kranke stovp
2,72 D' vil lihtir danne ein lovp
2,73 Ge- sine- hohin creftin wiget
2,74 Un- doch so hohir richeit pfliget
2,75 Dc er sich gein im huizit

- 2,76 Vn- dicke torlich struizit
 2,77 Gein sinem h'ren sine- kamp
 2,78 Als gein dem wolve tuot ei- la-p
 2,79 Un- von im selbin niht en mac
 2,80 Gelebin ein halbin tac
 2,81 Der vil armer horsac
 2,82 Er muoz verbern den wid'slac
 2,83 Dv dirre rede si genuoc
 2,84 Un- grifin an dc m'e kluoc
 2,85 Wie ein krankis frowwelin
 2,86 Dirre welte valschin schin
 2,87 Un- ir gezierde vbirwant
 2,88 Vn- gotis vient tet geschant
 2,89 Mit gotis minne wafen
 2,90 Man horte sich wislich strafe-
 2,91 Mit rede dez tiefils kempfen
 2,92 Die sach man sere stempfen
 2,93 Mit valsche gein ir menic lyge
 2,94 Un- menic mortlich truge
 2,95 Dc ahte si do cleine
 2,96 Wan ir edil herze reine
 2,97 Gevestit wc mit gotis sege-
 2,98 Da von so kvnde niht gewege-
 2,99 Gein ir dez tiefils kvndekeit
 2,100 Swie vil er dez gei- ir wart geleit
 2,101 Maria kvnegi-ne her
 2,102 Din lob ist witir vn- mer
 2,103 Danne alle zvngen geahthen
 2,104 Kvnne- . vn- betrahten
 2,105 Och wiget din hohe minne
 2,106 Fur allir menschen sinne
 2,107 Du hast vor mengen stunde-
 2,108 Die grozin genade funden
 2,109 Die vnsir vordirn verlurn
 2,110 Dv si ze ratgebin kvrn
 2,111 D' dc boste im selbin riet
 2,112 Dc in von himilriche schiet

 3,1 Hin . in dc abgruinde
 3,2 Ein vatir allir suinde
 3,3 Ist er . vn- och ein anevanc
 3,4 Div kvrtzwil ist bi im lanc
 3,5 Dc has tv frowe erwendit
 3,6 Dur dich . ist er gebendit
 3,7 Da sin gewalt ein ende hat
 3,8 Nv gip mir frowe dine- rat
 3,9 Un- hilf mir erkirnen
 3,10 Dc lob diner dirnen

3,11 Vn- diner himilschen gespiln
3,12 Dc hilf mir an ein ende ziln
3,13 Nach ir wurde . vn- miner ger
3,14 Un- mich din guete dez gewer
3,15 Martina frowe romschvi magt
3,16 In himil . vn- in erde tagt
3,17 Din lob nach gotis eren
3,18 Dc wolt ich gerne merin
3,19 Mit vil guotim willen
3,20 Nv ruoch an mir gestillen
3,21 Dez libis vn- der sele strit
3,22 Der groz geginherti git
3,23 Wan der lip der zvihit nider
3,24 Alliz zvo der erde nider
3,25 Dar vz er ovch gemacht ist
3,26 So strebt div sele z allir frist
3,27 Zvo der himelschen Jerusalem
3,28 Do menic guldin Dyadem
3,29 Gotis kenphin ist bereit
3,30 Licht als div sunne och richez cleit
3,31 Dc hilf och mir erwerben
3,32 Un- la mich niht v'derbin
3,33 Sit vnsir lebin ist ein strit
3,34 Als iob . der guote vrkvnde git
3,35 Dur diner martyr ere
3,36 D' wc vil vn- mere
3,37 Den ich von frowe- ie gelc
3,38 Dc sprich ich an ir allir hc
3,39 Ane gotis muotir
3,40 Die hat er svn vil guotir
3,41 In hohir vollekominheit
3,42 Fur allir creatur geleit
3,43 In sin gotlich bilde
3,44 Dc in div magt milde
3,45 Iemir fur vns armen bitte
3,46 Lieplich . nach muot'liche- sitte
3,47 Nv lazen dise rede stan
3,48 Ich wil abir furbc gan
3,49 Vn- mich vf die hystorie lan
3,50 Die ich da her gemeinet ha-
3,51 Do allir kvnge herre
3,52 Uil hohir vn- merre
3,53 Dane allir sin erdenkin ka-
3,54 Hie von geschuof . de- erste- ma-
3,55 Nach sin selbis bilde
3,56 D' wise vn- och der milde
3,57 Dc er dc riche beseze
3,58 Dc der vngemeze

3,59 Uerlor dur sine sunde
3,60 D' in dc groz abgrunde
3,61 Da fur . ist gehuset
3,62 Da ist der schalch v'cluset
3,63 Uor got ist sin gehugde tot
3,64 Im ist gewegen dc rehte lot
3,65 Dez moht er niht vermidē-
3,66 Er muese den mensche- nide-
3,67 Un- bot im also dicke
3,68 Sines ratis stricke
3,69 Vntz er dc hohgebot zerbrach
3,70 Dc got so lange wile rach
3,71 An sinem knehte Adamen
3,72 Un- sit an sinem samen
3,73 Den gap er in d' vient gewalt
3,74 D' wart an im so menicvalt
3,75 Vn- treip mit im sin govgilspil
3,76 Un- sinen schimpf . vntz vf dc zil
3,77 Dc got mit siner guete
3,78 In siner tugende bluete
3,79 Den menschin erbermeclich a- sach
3,80 D' sin gebot . dur rat zerbrach
3,81 So wc er doch sin hantgetat
3,82 Den er gemachit selbir hat
3,83 Un- sant alher . den himelhort
3,84 Dc wc sin vat'lich wort
3,85 Zvo einir megde reine
3,86 Die er erwelte alleine
3,87 Uon frier muotgelueste
3,88 E . er dc ertgeruste
3,89 Geschuof . vn- ovch d' himel sele-
3,90 Vn- swc man wund's mac gezele-
3,91 D' sant er hohe botschaft
3,92 Uon siner gotlichin craft
3,93 Bi dem engil gabriel
3,94 Dc ir lib . vn- ovch ir sel
3,95 Uon der rede betrubet wart
3,96 Dc schuof ir kvische vn- ovch ir art
3,97 D' bote sprach "niht furhte dir
3,98 Div hast nach dinis h'zin gir
3,99 Bi gote genade funden
3,100 Dv solt in kvrtzin stunde-
3,101 Geb'n . dez hohstin kvnges ki-t
3,102 Dez elliv rich fur eigen sint
3,103 Un- doch bi der geburte din
3,104 Nach als vor ein maget sin"
3,105 Dez wart div eine gehorsam
3,106 Von der got an sich do nam

3,107 Dez er niht e gewesin wc
3,108 D' megde wamme wc sin vc
3,109 Un- beleip doch iem' m'e sit Dc
3,110 er e wc an allen strit
3,111 Vn- tet hie sines vatir wort
3,112 Den luiten kvnt in menic ort

4,1 Als er ez von dem vat' lc
4,2 Wie ein anengenge wc
4,3 Uo- dem d' doch niht aneva-c
4,4 Alhie gewan noch aneva-c
4,5 Vn- stat in siner hende
4,6 Anevanc . Vn- ende
4,7 Un- ist an ende . vn- an drvm
4,8 In secula seculorum
4,9 Vn- kan siv beide machin
4,10 Uon disen hohin sachin
4,11 Seit er der diet vn- der iude-
4,12 Do volgete- siv de- helleruide-
4,13 D' riet in vf den vngewi-
4,14 Den sit . befunde- hat ir sin
4,15 Wan si dem lebindige lebi-
4,16 Mit tode ein ende wande gebi-
4,17 Dc dur uns menschlich erstarb
4,18 Un- vns ei- lebindis lebi- erwarb
4,19 In dem wir iem' lebi- mvn
4,20 Bi dem lebinde- gotissun
4,21 D' dur vns starb vn genc
4,22 Dem truoge- si vil groze- hc
4,23 Sit . vn- ovch den iung'en sin
4,24 Die von in littin menge- pin
4,25 Un- andir menic w'der helt
4,26 Der von der welte wart beschelt
4,27 Ir guotis vn- ir wunne
4,28 Vn- von ir besten kvnne
4,29 Dez sint siv wol ergetzit
4,30 D' dorn siv niht me kretzit
4,31 Den hie der tiefil wetzit
4,32 Kein vngemach siv letzit
4,33 In dirre durrehtunge
4,34 Do alt . vn- dar zvo ivnge
4,35 Cristes kenphin slvogen
4,36 Die sinen namen gewuogen
4,37 In mengem vngeverte
4,38 Noh hertir . danne herte
4,39 Do keyser Alexander
4,40 Dc riche hielt . do vand er
4,41 Vil der cristenlichen diet

4,42 Als in div gotisminne riet
4,43 Dc wc im harte sware
4,44 In dem vierden iare
4,45 Als er sin riche ane vienc
4,46 Dez er och froemde dinc begie-c
4,47 Er saite dur sine- valsche- got
4,48 Dur alle die welt ei- nvwe gebot
4,49 So rehte strenge vn- och so vbil
4,50 Als im geriet d' hellegrubil
4,51 Dc die von Galylea
4,52 De- gote- solten opfirn sa
4,53 Un- dc niht langir friste-
4,54 Dc meind ' an die cristen
4,55 Wan die von Galylea sint
4,56 Uz irweltis gotiskint
4,57 D' name d' tuit . ein vbirvart
4,58 Wan er ist seleclich geschart
4,59 Swer . vbirvert in gotis her
4,60 Uz disem wilden klebirmer
4,61 Vn- swer niht bringen wolde
4,62 Sin opfir als er solde
4,63 Der muoze liden groze not
4,64 Un- einen lasterlichin tot
4,65 Vn- sazte dar vbir rihter
4,66 Die machte- dc gebot so swer
4,67 Un- haten sich so vollekomen
4,68 Dez tievils vrluge a- genom-
4,69 Wan dc gebot wc fur geleit
4,70 Mit so grozir hertecheit
4,71 Un- so vorhteclicher dro
4,72 Dc man verdilgen wolt also
4,73 Div reinen cristenliche- werc
4,74 Div vil swerer danne ei- b'c
4,75 Dem tievil warin elliv zit
4,76 Dur sinen an geborn nit
4,77 Div selch gebot enpfienge-
4,78 Die von dem keisir giengen
4,79 Die schriben furbc in dvi lant
4,80 Vn- tatin dc gebot erkant
4,81 Mit dez keisirs ingesigel
4,82 Als siv do hiez der hellerigel
4,83 Swer dc opfir braht de- gotte-
4,84 Als vo- dem keisir wc gebotten
4,85 D' solt enphahin menic ere
4,86 Uon dem richen keisir here
4,87 Swer abir dc verspreche
4,88 Dc man an dem reche
4,89 Dez richis vn- der gotte zorn

- 4,90 Vn- solte menge not bekorn
4,91 Un- wunderlich marter
4,92 Sin lib vil vngesparter
4,93 Enpfan den lasterlichen tot
4,94 Der keisir alexandir bot
4,95 Sine- gotte- michel ere
4,96 Die im wert . vn- also here
4,97 In sinem herzin waren
4,98 Bi sines richis iaren
4,99 Den braht er tures opfir dar
4,100 Selber . vor der romschin schar
4,101 Sinem liebin gotte appollen
4,102 Mit meine wc bewollen
4,103 D' got . vn- och sin dienstma-
4,104 Dez er sich doch niht wol v'sa-
4,105 Un- hiez alda in grimme
4,106 Mit tiefillichir stimme
4,107 Sine bestin fursten
4,108 Die hohsten vn- die wirsten
4,109 Die cristen alle vahin
4,110 Un- dar zvo balde gahin
4,111 Die cristes niht wolten
4,112 Lovgen als siv solten
- 5,1 Ez were- man oder wip
5,2 Den wold er nemen da den lip
5,3 Un- lasterlichin schenden
5,4 Henkin vn- blenden
5,5 Vn- dar zvo balde twingen
5,6 Dc siv muesen bringen
5,7 Ir opfir da appollen
5,8 Dem krankin erdeschollen
5,9 Die selbin amptlivte
5,10 Ahten gar ze nvite
5,11 Swc siv vbiltete
5,12 Alder boesir rete
5,13 Gein den cristen mohte- tuon
5,14 Wan vnder in so wc kein suon
5,15 Ir einer hiez vitalis
5,16 Dc buoch vns tuot von im gewis
5,17 Er w'e ein hohir graue erka-t
5,18 Bassus . der ander wc gena-t
5,19 Dem man vil hohe wurde wac
5,20 Wan er dez richis stuele pflac
5,21 Do hiez ir einer Gaius
5,22 Diz drie warin alsus
5,23 Dez keisir ingesinde
5,24 Dez warin liehtis blinde

5,25 Wan ir sunderknehte
5,26 Lebtem gar vnrechte
5,27 Un- volgeten ir reten nach
5,28 Den wc so ger . vn- och so gach
5,29 Mit ir sund'listen
5,30 Wie siv die reinen cristen
5,31 Uon ir gelovbin kerten
5,32 Vn- vngelovben merten
5,33 Als siv ir herren lerten
5,34 Da mitte siv sich herten
5,35 Nv kamin vil geswinde
5,36 Dez tiefils ingesinde
5,37 Un- ovch sin vngelunstir
5,38 Zvo dem gotis munster
5,39 Dc da ze rome ist gesat
5,40 Vn- sahin an der selbin stat
5,41 Die reinen magt martina-
5,42 Dc ir ze hohin seldom kam
5,43 Uon ir grozin strite
5,44 Der in die welt so wite
5,45 Ist vn- furbc iht geleit
5,46 Als iv her nach wol wirt geseit
5,47 Div sprach ze gote ir rein gebet
5,48 Dc si mit gutem willen tet
5,49 Ir antluit vf gerihet
5,50 Ze tugenden wol gepflihtet
5,51 Wan si mit ovgen ane sach
5,52 D' vf der hohin himil tach
5,53 Sitzit vn- gebuitet
5,54 Un- sine kenpfen truitet
5,55 Bi ir so stuonden knehte
5,56 Von adil vn- von ir rehte
5,57 Un- och vil hohir dirnen
5,58 Die bi ir mohten lernen
5,59 Tugent vn- seldekeit
5,60 D' wc so vil an si geleit
5,61 Si wc och von geburt so hoh
5,62 Dc si von reht vnamge floch
5,63 Wan tugende dc sint edilkeit
5,64 Als div schrift d' warheit seit
5,65 Mit den wc si gebluomet
5,66 Da von si iemir ruomet
5,67 Dez himils ingesinde
5,68 Bi der megde kinde
5,69 Si treit . der megde kranzil
5,70 Den lilienwizen swanzil
5,71 Den si mit kvischi erworbe- hat
5,72 D' martir cleit ir wol an stat

- 5,73 Dc wuoch si in dez lambis blvot
5,74 Dur wazz' dur fivr si wuot
5,75 Un- ist nv kom- wol ze stade
5,76 Vz dirre wilde- welte bade
5,77 Sw' si an ruoft . den leitet si
5,78 Da er ist iemir sorgen fri
5,79 Ir vatir hat och michil ere
5,80 Von adil wc er also here
5,81 Im wc so hohe witze kvnt
5,82 Dc er wc worden dri stunt
5,83 D' keisir svnderlicher rat
5,84 Dc man ze grozin wurde hat
5,85 An in so wc och gar geleit
5,86 Dirre welte richeit
5,87 Man sach die reinen suezen
5,88 Den armen livten buezen
5,89 Ir kvmber vn- ir armekeit
5,90 Ezzin trinken vn- cleit
5,91 Gap in div gotis spiserin
5,92 Dur minne in gotis nam- dri-
5,93 Si hielt och den gelovbin
5,94 Den warin niht den tovin
5,95 Wan si gelvobte einvaltic
5,96 Einen got drivaltic
5,97 In drin benemden eine- got
5,98 Dez gewalt vn- dez gebot
5,99 Stat in hohim werde
5,100 Den himil vn- die erde
5,101 Mit einem worte er werde- hiez
5,102 Un- ovch dc mer . vn- sine- griez
5,103 Si hate eine genade groz
5,104 Dc von ir reine- munde floz
5,105 Div lebinde gotislere
5,106 Die lerte div vil here
5,107 Si wc ein gotis p'edierin
5,108 Von den hohin namen drin
5,109 Un- lerte die cristenliche- e
5,110 Si hate genade furbc me
5,111 Dc si in guoten werkin wc
5,112 Ein durluihtic spiegelgc
- 6,1 Da inne meng' sich ersach
6,2 Dc er den hohstin got v'iach
6,3 Schepher allir dinge
6,4 Ane misselinge
6,5 Si wc bereit ovch elliv zit
6,6 In den kampf vn- in den strit
6,7 Gein dem alten slangen

6,8 D' hat si vmbe gangen
6,9 De- hat si dc hovbt zirtrettin
6,10 Un- hat mit wille- sich gewettin
6,11 In dc senfte gotis ioch
6,12 Si tet dem tiefil scharoch
6,13 Vn- och an sine- creftin mat
6,14 Inmittin in dez spils stat
6,15 Si wuot mit creftin heilis furt
6,16 Un- hate ir nieren wol begurt
6,17 Mit der kivschi gurtel
6,18 Si wc ein reine turtel
6,19 D' name tuit ein tube
6,20 Si mac der minne trube
6,21 Wol von schulde- sin genant
6,22 Wan siv den hohin heilant
6,23 Gebunde- mit d' minne hat
6,24 Den man mit licht' nvite vat
6,25 Danne mit d' suezin minne
6,26 Vn- och mit kivschim sinne
6,27 Nv kamin dez tiefils knehte
6,28 Nach tievillichim rehte
6,29 Un- griffen an die reine- magt
6,30 Da von ir h'ze cleine irwagt
6,31 "Frovwe . dv solt wol v'nemin
6,32 La dir die rede wol gezemin
6,33 Alexand' der welte herre
6,34 D' eret dich vil verre
6,35 Dur din hohin edilkeit
6,36 Un- dur dine tugende breit
6,37 Er hat ovch von dir v'nomen
6,38 Dc dv sist vollekommen
6,39 An libe vn- ovch an muote
6,40 An frivnden vn- ovch an iguote
6,41 Dv bist ovch von dem ersten
6,42 Geslehte . vn- von dem hersten
6,43 Dc in romschir wurde lebt
6,44 Un- in den hohsten eren swebt
6,45 Er priset dinen wandil ovch
6,46 Der ist behuot vor schande rovch
6,47 Vn- bittit dich dur dine tuge-t
6,48 Un- dine minnecliche- iugent
6,49 Dc dv nach dinen vollen
6,50 Dem werden got appollen
6,51 Din richis opfir bringest
6,52 Un- siner helfe dingest
6,53 Vn- din gemuete twingest
6,54 Un- hohir eren dingest"
6,55 Martina div vil selic

6,56 Div guote . vn- div meilic
6,57 Div sueze an alle getuische
6,58 Div reine vn- ovch div kuische
6,59 Div schone wandils frie
6,60 Dez hohsten gotis amie
6,61 Div clar un- ovch div guote
6,62 Mit frovderichem muote
6,63 sprach zvo dez tiefils knehten
6,64 Mit den si wolte vehten
6,65 “Ich wil rihten minen ganc
6,66 Zvo miner kilchen anevanc
6,67 Un- mich da dem hohsten got
6,68 Mit truwen eichen ane spot
6,69 Vn- sinem sun den reine- crist
6,70 D’ al der welte loser ist
6,71 Dar zvo dem heiligen geist
6,72 In allir tugende volleist
6,73 Dar zvo dem babst an gotis stat
6,74 Un- vbir sine schaf gesat
6,75 Ze huoter . vn- ze hirten
6,76 Dc er div gar verirten
6,77 Schaf . ze wege kerte
6,78 Un- gotis schar gemerte
6,79 Dar zvo die pfaffen die sich gar
6,80 Gemerwet hant ze gotis schar
6,81 Die sich niht lazent rovben
6,82 D’ cristenheit . gelovben
6,83 Un- in die helfe reine
6,84 Den guoten algemeine
6,85 Un- gange- danne in frig’ kvr
6,86 Zvo dem richin keisir fur
6,87 Da muoz ich eine kvrze frist
6,88 Dur minen h’rin Jesum crist
6,89 striten mit dem tovbín esil
6,90 An kvnsten vn- an crefti- wesil
6,91 Dar zvo den keisir schenden
6,92 Un- siner frovde pfenden
6,93 Svz kvm ich in die hohin kvnft
6,94 Mit miner martir signu-ft
6,95 Da ich belibe sunder zal
6,96 In dem himilschin sal”
6,97 Do si die rede also getet
6,98 Do sprach si got ir rein gebet
6,99 Uon danna- gie si drate
6,100 In dem gotisrate
6,101 Fur dez keisirs palast
6,102 Da wc si wol ein froemd’ gast
6,103 Ir antluit wc so vil gevar

- 6,104 Durluhteclichin also clar
6,105 Dc ez vil mengen wundert
6,106 Noch mere danne hundert
6,107 Die bottin die si brahton dar
6,108 Die besten von dez richis schar
6,109 Die gienge- von dem keis' hin
6,110 "Alexander . herre vernin
6,111 Div edil hohe Martina
6,112 Dvi stat vor dinem palast da
- 7,1 Div riche vn- ovch div here
7,2 In loblichir ere .
7,3 Div hohste von den cristen
7,4 Div wil an disen fristen
7,5 Den hohen goten helferich
7,6 Ein opfir bringe lobelich
7,7 Un- wil die cristen alle
7,8 Mit lobelichim schalle
7,9 An vnsir gotte kerin
7,10 Vn- dine frovde merin"
7,11 Do wart der keisir frovden rich
7,12 Er hiez die maget mi-neclich
7,13 In sin kvncliches gaden
7,14 Lieplich . mit hoh' wurde lade-
7,15 Da er mit frovde- lebte
7,16 Un- wider den hohsten strebte
7,17 D' im doch sele vn- lebin
7,18 Von sinir guote hat gegeben
7,19 Do si fur den keisir kam
7,20 D' schone . in michil wund' na-
7,21 Div von ir lieht antluite brach
7,22 Noch grozir clarheit er ir ia
7,23 An ir geslehte hohgeborn
7,24 Dc von dem riche wc erkorn
7,25 Un- sprach "appollo grozir got
7,26 Wie din gewalt vn- din gebot
7,27 Mit creftin vert dur alle welt
7,28 Un- gist den dine- lonis gelt
7,29 Dc dv so suoze twingest
7,30 Mit diner milte bringest
7,31 Dc dir dc mi-necliche wip
7,32 Ir . sel . ir guot . vn- ovch ir lip
7,33 Dir z einem opfir sendit
7,34 Un- ir gemuete wendit
7,35 Von den valschen kristen
7,36 Die mit ir zovbirlisten
7,37 Die rehten gotte welle- trette-
7,38 Siv muosin allir ere vf wette-

7,39 Wan ich wil vf si warten
7,40 Siv muozen miner barten
7,41 Weiz got . nv gebizin
7,42 Ich wil ir lebin slizin
7,43 Vil gar vntz an ein ende
7,44 Fueze vn- dar zvo hende
7,45 Muozen siv ze lone han
7,46 Ald abir von dem riche gan”
7,47 Do er getet al solche dro
7,48 Do sprach er zvo der magit do
7,49 “Frowe has tu guoten sin
7,50 Als ich von dir bewisit bin
7,51 Un- och den muot vn- de- geda-c
7,52 Vf din hohe selde lanc
7,53 Dinen willen dine tugent
7,54 Dine bluegenden iugent
7,55 Gesamint als ich han v’nom-
7,56 Dc dv mit willen wellest kom-
7,57 Mit opfir fur die gotte her
7,58 Nach der ewarten ler
7,59 Als kvnge vil vn- furste- groz
7,60 Un- menic andir ir genoz
7,61 So ganc hin fuir . vn- bri-c al dar
7,62 Din opfir for der romsche- schar
7,63 So hast du genade funden
7,64 An mir . an disen stunde-
7,65 Du solt mit mir gemeine ha-
7,66 Dc riche vn- dir vndertan
7,67 Nach dinem willen iem’ sin
7,68 Dv solt ein riche keiserin
7,69 Nach dinen eren frowe wesin
7,70 Min h’ze hat dich vz erlesin
7,71 Fur alle die ich ie gesach”
7,72 Dv maget ze dem keisir sprach
7,73 “Heiz mich opfirn ane bluot
7,74 Dem got der ane mazin guot
7,75 Un- ie an allen fleckin wc
7,76 D’ vf der winde vedirn sc
7,77 D’ alle dinc von nihte
7,78 Geschuof vn- gar berihte
7,79 Vn- div niht ware- w’den hiez
7,80 Un- vns div wund’ schowe- liez
7,81 Ich wil appollen lan v’neme-
7,82 Div opfir div im svln gezeme-
7,83 Ich schaffe dc er berefzit wirt
7,84 Vn- in plage niht verbirt
7,85 Ich mache dc er wirt v’melt
7,86 Schier vn- sines lonis gelt

7,87 Nach sinem rehte enpfahit
7,88 Dc im vil balde nahit
7,89 Dc er von sine- klawen lat
7,90 Die werden gotis hantgetat
7,91 Die er so ture kovfte
7,92 Do sich der werde slovfte
7,93 In der megde buozin
7,94 Ane meinez truozin
7,95 D' iunge mensch d' alte got
7,96 Der dur dc vaterlich gebot
7,97 Erloste siner hende werc
7,98 D' ein krefteloz getwerc
7,99 Von siner svinde worde- wc
7,100 D' dur vns starb vn- genc
7,101 D' hat dem tode ein ende gebi-
7,102 Dc svn wir alle merke- ebi-
7,103 Nach sinen hulde- g'ne strebi-
7,104 Un- wil nv sunder sterbe- lebi-"
7,105 Der kvnec Alexander
7,106 Dise rede . vn- ander
7,107 Die er hat alda v'nomin
7,108 Von d' megde vollekomin
7,109 D' kvnd ' rehte niht v'stan
7,110 Er hiez die ivncfrowe- gan
7,111 In den richin tempil
7,112 Div ein rein exempil

8,1 Aller frowen wesin sol
8,2 Si wc gesterkit also wol
8,3 Uon dem hohin trostgeist
8,4 Dez wart alda . Von ir geleist
8,5 Dez von dem kvnge wc gebete-
8,6 Man sach sich froliche- trette-
8,7 Mit vnv'zagtim muote
8,8 Div suoze in gotis huote
8,9 Tet als si opfirn wolde
8,10 Mit silbir . vn- mit golde
8,11 Div reine gotis gimme
8,12 Sprach mit senftir stimme
8,13 "Keisir dv solt selbe in gan
8,14 Un- din ewarte- bi dir han
8,15 Die diner hohin gote pflegi-t
8,16 Den ir so hohin dienst wegi-t
8,17 Vn- alle die ir diener sint
8,18 Ez si man wib oder kint
8,19 Dc siv die warheit muge- sehi-
8,20 Un- och bescheidenliche spehi
8,21 Wie rehte suezecliche

8,22 Un- och wie luterliche
8,23 D' elliv dinc ze rehte wiget
8,24 D' guote . bi der welte pfliget
8,25 Min opfir hie enpfawe
8,26 Vn- dc von mir niht v'smahe
8,27 Dc im min herze bringet
8,28 Un- helfe an in gedinget"
8,29 Do hiez der keisir riche
8,30 Die livte al geliche
8,31 Hin in dc tempil gahin
8,32 Da siv div wunder sahin
8,33 Die got dur sin dirne- tet
8,34 Un- dur ir crefterich gebet
8,35 Dc von ir suozin munde gie
8,36 Dc got vil willeclich enpfie
8,37 Als siner guote wol gezam
8,38 Do dc volch zesamine kam
8,39 Die alten vn- die iungen
8,40 Die kamin zvo gedrunge
8,41 Un- wolden schowen die geschiht
8,42 Vn- der megde v'giht
8,43 Martina div vil here
8,44 Div mit gotlichir lere
8,45 D' welte filosoffen
8,46 An kvnste hat v'troffen
8,47 Un- doch gelich den schafen
8,48 Gar an der welde wafen
8,49 Un- doch ze strite wol bereit
8,50 Gein der viende sich'heit
8,51 Dc her wafin si doch truoc
8,52 Da mitte got den viend slvoc
8,53 Da vo- wc si gesterkit
8,54 Un- hoerit vn- merkit
8,55 Dc cruce wc ir mure
8,56 Dur die dekein gebure
8,57 Mit zorne het gebrochin
8,58 Dc han ich so gebrochin
8,59 Gebur sint die niht tugende hant
8,60 D' vn-fuog bi gestant
8,61 Sw' tuge-de hat d' ist wol geslaht
8,62 Un- gein der welte wol gemaht
8,63 Die hate och dise frowe
8,64 Vn- stuont in wunschis schowe
8,65 Wan si wc schone an libe
8,66 Als wol gezimit dem wibe
8,67 Noch schonir an dem gelovbin
8,68 Dez mohte si nieman rovbin
8,69 Do dv magit also stuont

- 8,70 Ze wer alsam die kenphi- tuont
8,71 Do ovgte sich da offenlich
8,72 Ein zeichin dc wc egsllich
8,73 Dc bi ir wc . vn- si bevie
8,74 In dem si stuont . vn- sich' gie
8,75 Nv wc alda div here
8,76 Nach gotlichir lere
8,77 Wisir . danne der slange
8,78 Wan dem wc sin wange
8,79 Uon ir kvndekeit durbrot
8,80 Der si vil dicke hat bekort
8,81 Einvaltic als als ein tube-
8,82 Ir muot wc sleht . niht strube
8,83 Vn- sach vf hin ze himel
8,84 Div lebendigiv simel
8,85 Ir sele hat gespiset
8,86 Dez ist ir lob gepriset
8,87 Als ez got selbe hat gemacht
8,88 Umbe ir dienst wol geslaht
8,89 Si hat ze got ir hende z'tan
8,90 An den si hat gar verlan
8,91 Ir guot gedinge vn- ir kanpf
8,92 Dez sich der keisir sit beranpf
8,93 Wan div gotis dirne
8,94 Wc hohir wisheit virne
8,95 Als si von schulden mohte wese-
8,96 Wan si hette wol gelese-
8,97 An dem lebinde- gotis buoch
8,98 Da vo- so nam si cleine- ruoch
8,99 Swc dirre welte frovde wc
8,100 Si wc ein stetir Adamas
8,101 Wan niema- den gebreche- mac
8,102 Noch dar an maken . keine- clac
8,103 Wan allein mit bockis bluote
8,104 Also stuont niht d' megde muot
8,105 Den moht dekein gesmide
8,106 Noch triboc noch blide
8,107 Noch phederer noch Tarant
8,108 Der die gotis steinwant
8,109 Mit keinem sturme moht erwege-
8,110 Swc ma- d' moht an si gelegin
8,111 Ir h'zin tuir . wc wol verspart
8,112 Vor der zirblaten hohvart
- 9,1 Div als ein krotte swillet
9,2 Un- gein dem loewin billet
9,3 Dc vil kleine huindelin
9,4 Als muot gein gote hohvart sin

9,5 Der spulgte niht dvi rene maget
9,6 Si wc mit seldom wol v'hagt
9,7 Ir tugende w't wc gruene
9,8 Gen gotis viende- kvene
9,9 D' si vil vbirwunden
9,10 Hat . vn- der helle hunden
9,11 Do si stunt vor appollen
9,12 Mit dem si wc zerhollen
9,13 Gein gote si sich frovte
9,14 Heinlich si im drovte
9,15 Un- sprach also div gvote
9,16 Tovgen in ir muote
9,17 "Ich sage dir h're guoter lob
9,18 Als Abraham ysaac iacob
9,19 Tatin in den alten zit
9,20 Ane valsch vn- ane nit
9,21 Lob si dir dar nach Jesu crist
9,22 D' siner kenpfen loser ist
9,23 Lob si dir heilic trostgeist
9,24 Wan dv in alliv h'ze weist
9,25 Din vmbefundin heilicheit .
9,26 Git kranken h'zin guot geleit
9,27 Du schenkist och die minne
9,28 Div vz blvendem sinne
9,29 Vleischlich vorhte tribet
9,30 Un- sorgin ane belibet
9,31 Dv bist ein miltir ratgebe
9,32 D' mi-ne trube vn- och ir rebe
9,33 D' die sele trunkin tuot
9,34 Dc ir ist clein der walte guot
9,35 Dv bist ein milt' geb' kvnst
9,36 Ane nit mit gantzir gunst
9,37 Dv bist gar ane masen
9,38 Siv muesen tobinde rasen
9,39 Die vo- dir sage-t niht wan guot
9,40 Dez vaters . zartui swankil rvot
9,41 Div sinvi kint verswinget
9,42 Un- siv ze vorhten bringet
9,43 Dc siv sich vebint geistlich
9,44 Vn- lant die minne vleischlich
9,45 Dv bist ovch ewic iemir
9,46 Un- wirt och ende niemer
9,47 Din' hohin gotheit
9,48 Von ewen z ewen an geleit
9,49 Ob allen kvnge- . kvnc gena-t
9,50 Dir sint elliv herzin erchant
9,51 Un- ir gedanke rehte bar
9,52 Dir dienit allir engil schar

9,53 Allir creature herre
9,54 So ist din craft noch merre
9,55 Wan dinen lihten ovgen
9,56 Kan niht beliben tovgen
9,57 Gesihtic . vn- vngeihtic
9,58 Ez muoz dir sin vergihtic
9,59 Ez flieze . ez krieche . ez fliege
9,60 Wan der vil tumbe giege
9,61 D' mit diner hende
9,62 Ane missewende
9,63 Nach dir wart gebildet
9,64 D' sich alleine wildet
9,65 Gein dir . vn- nieman me
9,66 Dez mac sin werde- dc geschre
9,67 Dv hast in diner guete
9,68 Mit selderichir bluete
9,69 Eine- gotlichin namen
9,70 So heren vn- so lobsamen
9,71 Gegebin Jesu cristo
9,72 Dinem sun dez bin ich fro
9,73 Mit dem dv sterkist alle die
9,74 Die din v'iehint vf erde hie
9,75 Hohir got Emanuel
9,76 Dich rufet an lib vn- sel
9,77 D' hie ist geinwurtic
9,78 Unvertic . vn- vnfuirtic
9,79 Ist din gewalt an endis drv-
9,80 Ze helfe diner dirne- kvm
9,81 Dur din hohin magencraft
9,82 D' din' menscheit ist a- gehaft
9,83 Erfulle mine girde
9,84 Nach diner hohin wurde
9,85 Un- ruoch dinen govgestock
9,86 Vn- den helleclichen bock
9,87 D' vnbeweglich hie stat
9,88 Blint . vn- tovb . so ist sin rat
9,89 Uellin vn- brechin
9,90 Vn- dinen zorn rechin
9,91 An dem . dez murdeclich kvnst
9,92 D' luite sin . vn- ovch ir gunst
9,93 Mit heinlichir trugeheit
9,94 Het erblendit . vn- verleit
9,95 Dc siv an in gelovbint gar
9,96 Un- er si tuot der sinne bar
9,97 D' selbe ist allir tugende bloz
9,98 Wan sin gewalt ist gar ze groz
9,99 Un- dar zvo sin gebende
9,100 Dc mein ich an dem ende

- 9,101 So die v'lornen scheiden
9,102 Muozin . hin mit leiden
9,103 Die zvhit er in sin gewalt
9,104 D' ist an in so menicvalt
9,105 Dc er siv in die hellekruft
9,106 Fuerit . dur in hohin guft
9,107 Den siv gein ir scheppfer ha-t
9,108 Dar umbe siv div hellesche ba-t
9,109 Iemir muozen liden
9,110 Un- alle frovde miden
9,111 D' welte suoze ist da-ne bitt'
9,112 Mengen frist vn- dar zvo zitt'
- 10,1 Un- och d' zene grisgramen
10,2 Dar zvo ewecliches schamen
10,3 Ein tac d' ist da tusint iar
10,4 Man zerret in hut vn- har
10,5 Vn- ruowent niem' stunde
10,6 Wan die hellehunde
10,7 Spilent mit in nidis spil
10,8 Un- wert dc iemir ane zil
10,9 Da ist der sterbinde tot
10,10 Vn- ein vntoetlich not
10,11 Da ist d' ahteclichir ban
10,12 Si sint an wirzin alle wan
10,13 Dc fuget in der hellegrubil
10,14 D' diz wunderlich geschrudil
10,15 So lange zit besezzin hat
10,16 Dc fueze hat . vn- doch niht gat
10,17 Dc hovbt hat . vn- dar zvo munt
10,18 Vn- im doch sprechin ist vnkvt
10,19 So het ez oren och da bi
10,20 Un- ist och der gehoerde fri
10,21 So hat er ovgen ane gesiht
10,22 Hende ane grifes pfliht
10,23 Dar zvo nasen ane smack
10,24 Dirre tovbe govtilsack
10,25 D' die luit entreinet
10,26 Vn- ir sin v'steinert
10,27 Die an in gelovbint
10,28 Un- siv d' witze rovbint
10,29 So solt u herre ruochin
10,30 Mich dine genade suochin
10,31 Ich din arme dirne
10,32 Gip wisheit mine- hirne
10,33 Mir demuetigen sunderin
10,34 Dc noch erkenne de- gewin
10,35 D' vf die nwiwen vbiltat

10,36 Nviwe lusheit funden hat
10,37 Un- die nv vestet alle tage
10,38 Sin valscher munt sin od' krage
10,39 Nv laze im misselingen
10,40 Sit dc er sin gedingen
10,41 Setzit vffen sinen got
10,42 Dur den lasterlichin spot
10,43 Dc er noch inne- werde braht
10,44 Der ez vil lutzil hat gedaht
10,45 Vn- erkenne in dirre frist
10,46 Dc dv d' welte scheppher bist
10,47 Un- dc din einic wisir rat
10,48 Ellvi dinc gemachit hat
10,49 Von niht mit einem woerteli-
10,50 Urhab gap vn- hiez si sin
10,51 Als ez sich huite zeiget
10,52 Gein diner craft sich neiget
10,53 Alle lebinde creatuir
10,54 S ist gehuir oder vngehuir
10,55 Dvi bibent gein dir vn- zittirt
10,56 Er teilit . welt . vn- wittirt
10,57 Swie er so wil so stat dc wett'
10,58 Er sitzit vf dez himils etter
10,59 Un- hat die erde in sin' hant
10,60 Beslozzin im ist gar bechant
10,61 Aller herzin sinne
10,62 Beide vz vn- inne
10,63 Die siht er vn- ir willen
10,64 Er kan die hohvart stillen
10,65 Den svn wir einic an bettin
10,66 Uz sime gebote niem' trettin
10,67 Mit willen einen halbin fuoz
10,68 Vn- werbin vmbe sine- gruoze
10,69 So ist mir h're dc wol kvnt
10,70 Wie ovch gesprochin hat din munt .
10,71 Ich mac wol tode- vn- gebi-
10,72 Nach dem tode ein nviwis lebi-
10,73 Ich slahe den lip vn- mach i- wu-t
10,74 Ich heile vn- mach in wol gesv-t
10,75 Da von so ist din hohir name
10,76 So creftic . vn- so lobsame
10,77 Irkant mit ganzir wurde gelt
10,78 Von dirre welt in alle welt
10,79 Da wiget din frowderich gezelt
10,80 Fuir d' welte iamirs velt"
10,81 Un- do dv maget ir gebet
10,82 Gein got so willecliche- tet
10,83 Do wart ertbiben groz

10,84 Da von sich menic mur entsloz
10,85 Un- dc div stat erschuitit wart
10,86 Von d' wund'lichin art
10,87 Die got irzovgte dur die magt
10,88 Div dur in streit vil vnv'zagt
10,89 Si wc sin brut vn- sin gemahel
10,90 Ir h'ze hertir danne ein stahel
10,91 In sin' minne gehertet hat
10,92 Da von so brach si als ein glc
10,93 Ir vngelovbin elliv zit
10,94 Uon d' ertbibin wit
10,95 So viel der got appolle
10,96 D' gap sin ere ze zolle
10,97 Vz im so wart vil menic stuck
10,98 Im wart erzeiget ein smah' drvc
10,99 Gelichir wiz nah vnheil
10,100 Uolleclich d' vierde teil
10,101 Dez tempils nid' wart gevalt
10,102 Dc menic sel dem tiefil galt
10,103 Wan im wart ein groz geschoh
10,104 Ze stuire in sin v'worhte loch
10,105 Ein mengi groz d' heide- wart
10,106 Mit den ewarten vngeschart
10,107 Ze tode da getruckit
10,108 Un- also frisch gezvckit
10,109 In den helleclichin nebil
10,110 Da dc fuir vn- ovch d' swebil
10,111 Ir spise vn- och ir erbe wirt
10,112 Da iamir angest iem' birt

11,1 Da man snidit vn- meaiet
11,2 Swc man alhie geseiet
11,3 Da wiget div rehte wage
11,4 Dem lantman als dem mage
11,5 Man git alda dc rehte lot
11,6 In dc lebin ald in den tot
11,7 Da wirt d' valsche fursprech
11,8 An siner zvngen vngerech
11,9 D' miete nieman da gert
11,10 Ez wirt alda nach reht gew't
11,11 Ze spot . wirt d' gelichzer
11,12 Vn- hie d' welt richzir
11,13 Als och den heiden geschach
11,14 Dc mengir mit den ovch sach
11,15 Un- ovch der riche keisir
11,16 D' wirt an frovden heisir
11,17 Mit murdekeit erlaffen
11,18 D' hate tempils pfaffen

11,19 Ze vare gesendit ge- d' magt
11,20 Als her nach wol wirt gesagt
11,21 Nv wc div groz ertbibin
11,22 In ir zorne noch beliben
11,23 Stunde- ein vil michil teil
11,24 Dc der keisir vil vngeil
11,25 Floh von grozen vorhte-
11,26 Div im die wund' worhte-
11,27 Do sprach z im d' sueze lip
11,28 Dvi reine magt vn- nit ein wip
11,29 "Alexand' dv solt stan
11,30 Zvo dinem abgotte gan
11,31 D' ist hie heime gesuochit
11,32 Uor got ist er verfluechit
11,33 Un- alle die in hant fuir got
11,34 Die werdent ovch dez tiefils spot
11,35 Sich wie er ist gehandilt
11,36 Vn- wie er ist gewandilt
11,37 In ein vil krankis stuppe
11,38 Dich hat dez tiefils wuppe
11,39 Begriffen hie vn- vmbezoge-
11,40 Din selde div hat sich v'smoge-
11,41 Liz vf die stücke clein vn- groz
11,42 Un- la si schowen din genoz
11,43 An wen ir gelovbint
11,44 Die ivch der selden rovbint
11,45 Vn- dar zvo die ewarten
11,46 Uon gote die verscharten
11,47 Vn- och den and'n allen
11,48 Die in dez todiz vallen
11,49 Sint alhie becl Emmet
11,50 An libe an sele erlemmet"
11,51 Och ste . er vf ob ' nv muge
11,52 Un- ez an sine- creftin tuge
11,53 Vn- helfe den helfelozin
11,54 Den in valschis kosin
11,55 Uon sinenthalbi- ist gelege-
11,56 Siv hant so vil von i- geplege-
11,57 Dienstis dez er ist vnwert
11,58 Swie sin doch meng' noh beg't
11,59 D' sinen schepher varn lat
11,60 Dez er ist eigen hantgetat
11,61 Un- lat den hohin zimb'man
11,62 Der vz erden machen kan
11,63 So mengen wund'lichen lip
11,64 Beide man vn- dar zvo wip
11,65 Vn- ander menic creatuir
11,66 Div lebin hat von sin' stuir

- 11,67 Wie mac ein man mit si-nen
11,68 Den vnsin gewinnen
11,69 Dc ez gelovbt an eine- stock
11,70 D' ist noch swechir de-ne ei- boc
11,71 D' ist doch den hirten vnd'tan
11,72 Un- muoz nach sinem wille- ga-
11,73 Ze holtz . vn- och ze velde
11,74 Dc ich mit warheit melde
11,75 Got ist so wol geguetet
11,76 Dc er dar vmbe niht wuetet
11,77 Dc ich an siner milte spur
11,78 Er gap dem mensche- frie kvr
11,79 Ze tunde vbil vn- guot
11,80 So wol im der nv hat de- muot
11,81 Dc er mit friem sinne
11,82 Un- mit d' waren minne
11,83 Irkennit der in hat erlost
11,84 Von dem iem' w'ndem rost
11,85 Der dem tiefil ist bereit
11,86 Mit ewiclichir stetekeit
11,87 Nv keren in den mere- wid'
11,88 Die ich v'lazin hate sider
11,89 D' tiefil d' in dem abgot
11,90 Die luite trovc in sin gebot
11,91 D' walget in dem stovbe
11,92 D' valsch vn- och der tovbe
11,93 D' wulte in der easchin
11,94 Da sach dc vngeweschin
11,95 Uolk . mit den ovgen
11,96 Offenlich niht tovgen
11,97 Ich mein dc vngetovfte
11,98 Dc got so tuire kovfte
11,99 Mit sin selbis bluote
11,100 D' milte vn- och der guote
11,101 Dc wund' sach da menic wib
11,102 Beide man vn- dar zvo lip
11,103 Wie d' tievil da gewarb
11,104 Dez frovde vor den luiten starb
11,105 D' ruoft in grozim grimme
11,106 Mit einer luten stimme
11,107 "O Martina reine magt
11,108 Ein selic dirne hoh betagt
11,109 Dez hohste- gotis i- dem himil
11,110 Dv bist vil gar an alle- schimel
11,111 Aller boser suinden
11,112 Dc mvoz ich von dir kuinde-

12,1 Un- dar zvo menge tugende

12,2 Du hast in diner iugende
12,3 Gemi-net ie den hohstin got
12,4 Vn- wol behalten sin gebot
12,5 Uz sinem wege niht getrette-
12,6 Als dich sin liebi hat gebette-
12,7 Nv hast dv mich erschreckit
12,8 Gar vnsanft erweckit
12,9 Uon mine- eigen huse
12,10 Un- hie vz miner klvse
12,11 Mit gewalte gar vertriben
12,12 Dc ich bin crefteloz beliben
12,13 Vn- bin von dir geneiget
12,14 Dv hast mich gar erzeiget
12,15 Wie vngestalt wie vngehuir
12,16 Ich bin fur alle creatuir
12,17 Wie crank ich von nature bi-
12,18 Dc wirt min grozir vngewi-
12,19 Hie han ich lange zit v'tribe-
12,20 Un- bin mit ruwe hie belibe-
12,21 Ahte vn- nivnzic iar
12,22 Mit rehtir zal dc ist war
12,23 Vndir keisir augusto
12,24 Sibin vn- drizic iar also
12,25 Dc mir nie kein vngemach
12,26 An mine- huse hie geschach
12,27 Un- och bi keisir antonie- zit
12,28 Bin ich gewesin ane strit
12,29 Fivnf vn- vierzic iar
12,30 Mit rvowe stille vn- offenbar
12,31 Sehzehin vndir alexander
12,32 Swc der vn- der ander
12,33 Ist mit rehtir zal gewesin
12,34 Div bin ich elliv wol genesi-
12,35 D' het mich vn- min friez lebi-
12,36 In din gewalt alhie gegebin
12,37 Er het in boser akvst
12,38 Gegebin mich in der v'lust
12,39 Die mir ir opfir brahten
12,40 Un- mich niht v'smahten
12,41 Och wc der heiligen so vil
12,42 Alda her . vntz vf dc zil
12,43 Die dur ir schepphere
12,44 Mengir hande swere
12,45 Mit guotim willen hant gebittin
12,46 Un- so gedulteclich gestrittin
12,47 In menge wis geletzit
12,48 Alsam ein zil gesetzit
12,49 Dursterchit mit geschutze

12,50 Dc wc gar vnnutze
12,51 Wan ir mi-ne stete wc
12,52 Gein gotte denne ein adamc
12,53 Un- etsliche pfenden
12,54 An fuezin vn- an henden
12,55 Etslich man rovbete
12,56 D' lide . vn- ovch der hovbete
12,57 Etslich' wart geseget
12,58 Als noch ir zimbirluite pflaget
12,59 Da mit ir iwwer holtz drome-
12,60 Do wurde- etslich genomen
12,61 Un- lebindic geschunden
12,62 Als man nv tuot den hunden
12,63 Vn- etslich gehenkit
12,64 Un- in dem mer ertrenkit
12,65 Vn- mengir slahte kvmb' groz
12,66 In ysen man ir mengen sloz
12,67 In karger vn- in prisvn
12,68 Dur den lebinden gotis sun
12,69 Dc ich doch nie wart offen
12,70 Un- also ser getroffen
12,71 Als nv von disen frowelin
12,72 Dc offenbar ich wordin schin
12,73 Min herschaft ist also wit
12,74 Gewesin vntz an dise zit
12,75 Dc muget ir alle selbe sehin
12,76 Als ich iv allen wil veriehin
12,77 Ich hat der bosten geiste
12,78 In ganzir volleiste
12,79 Under mir vier hundert
12,80 Die mir wurden gesundirt
12,81 Zwen vn- sibiric dar zvo
12,82 Die beide spate vn- fru
12,83 Waren mine knehte
12,84 Nach dienstlichim rehte
12,85 D' meister wc ich vn- der voget
12,86 Der ieglichir kam gezoget
12,87 Un- brahte mir vnklegelich
12,88 Sibiric sele- tegelich
12,89 Vnder den so wc ein fuirste
12,90 Der wc in der getuirste
12,91 Dc er ein furste von bozheit hiez
12,92 Der och dekeinen tac liez
12,93 Er brahte mir vil flizic
12,94 Selen sehz vn- drizic
12,95 Der wc geheizin effigdon
12,96 Dez wc ich von im gewon
12,97 Die alle horten i- min ampt

12,98 Un- ich ir herre vnv'schampt
12,99 Nv has te frowe mich v'tribe-
12,100 Da ich vil lange bin beliben
12,101 Du hast mich so gar v'smaht
12,102 Din gebet ist mir ein aht
12,103 Dv hast mich gegeben ze stuire
12,104 Dem helleclichim fuire
12,105 Nv weiz ich niht wa ich wese
12,106 Da ich vor dinem ban genese
12,107 Un- ich die zit vertribe
12,108 Mit sichirheit belibe
12,109 Dv hast geswechit mir mi- lebin
12,110 Un- mich gewalteclich gegibe-
12,111 Vriel dem engil her
12,112 Dez muoz ich liden h'zenser

13,1 Er hat mine- vzganc
13,2 Uerbrennet gar dez bin ich cranc
13,3 Vn- muoz gebinde lidin
13,4 Die cristenheit v'midin
13,5 D' mac ich keinen schadi- tuon
13,6 E st ane minen danc ein svon
13,7 Doch hab ich noch den willen
13,8 Dc ich si gerne villen
13,9 Wolte hin als och da her
13,10 Svs stat min wille vn- min ger"
13,11 Un- sprach in spotwis also
13,12 "Keisir dv maht wesin vro
13,13 Dc dv mit grozim flize
13,14 So mengir hande wise
13,15 Funden hast den cristen
13,16 Mit dinen hohin listen
13,17 Dv hast an disen stunden
13,18 Dez ich wene funden
13,19 Eine- strenge- kampfgenoz
13,20 D' sol dich schiere machi- bloz
13,21 Gewaltis vn- der eren
13,22 Div sol er beidiv keren
13,23 In lastir menicvalt
13,24 Du i- schanden solt w'den alt
13,25 Din riche sol ein ende neme-
13,26 Als dir von rehte sol gezeme-
13,27 Wan dv muost iemir truren
13,28 Un- dine frowde ersuren
13,29 Dich stichit der lebinde angil
13,30 Armuot vn- mangil
13,31 Enpfahit dich geswinde
13,32 Ze stetim ingesinde"

13,33 Diz sprach mit lutem ruofe
13,34 Un- mit grozim wuofe
13,35 Mit weniclichir stimme
13,36 Egber vn- grimme
13,37 Grisgramen mit geschreie
13,38 Mit tievillichir weide
13,39 Brvelende . mit clagelich' luot
13,40 Als er von reht vn- billich tuot
13,41 D' tievil varnde dur de- luft
13,42 Ir wc alda ein michil clvft
13,43 Boeser geiste samenthaft
13,44 Den wc alda benome- ir craft
13,45 Vn- fuoren an geleite hin
13,46 Uf schaden . vn- vf vngewin
13,47 Got tue vbir si sin ban
13,48 Vn- mache si an creftin lan
13,49 Un- ruoche siner knehte pflege-
13,50 Vn- sende vns sin hohin segen
13,51 D' vns beschirme vor der diet
13,52 Die er von himilriche schiet
13,53 Dur ir grozin hohvart
13,54 Div von erst funden wart
13,55 Uon dem tiefil lucifer
13,56 Wan in besc ein tumbe ger
13,57 Dc er dem wolte sin gelich
13,58 Der in geschuof . vn- himilrich
13,59 Dez wart er do geschaffen
13,60 Als von im sagint die pfaffen
13,61 So lasterlichin missestalt
13,62 Dc nieman lebt so rehte balt
13,63 Der in einest sehe
13,64 Wie grulich vn- wie smehe
13,65 D' valsch ist von nature
13,66 Den neme dez vnture
13,67 Un- wer ein oven hind' in
13,68 Glveiende vn- furin
13,69 Bereit . er fuer an alle twal
13,70 Von der gesiht in die kal
13,71 so we dem armen d' in sol
13,72 steteclich in siner dol
13,73 Schowen mit den ovgen
13,74 Offenlich niht tovgen
13,75 Do div verfluht geselleschaft
13,76 Dur die lufte fuor mit craft
13,77 Do wart ez also vinster
13,78 Zeswenhalb . vn- winst'
13,79 Dc da nieman niht gesach
13,80 Dc wunder dc alda geschach

13,81 Dc der tiefil worhte
 13,82 Dc braht so groze vorhte
 13,83 Dem volke dc ez viel da nid'
 13,84 Un- wurde- also swach d' liden
 13,85 Ein zwivil groz si hind'kam
 13,86 Beidvi wip vn- dar zvo man
 13,87 Wie ez ergan solte
 13,88 Un- wie ez enden wolte
 13,89 Wan si so groze wunder
 13,90 Sahin siv da bi svnder
 13,91 Div nie wan da vor geschihin
 13,92 Dez si da gotte muozen iehin
 13,93 Der obin in dem himel ist
 13,94 Der vns behuotit ane frist
 13,95 Sin wisheit vn- sin hohir list
 13,96 Git vns an lip an sel genist
 13,97 Noh konde sich d' keisir niht
 13,98 V'sta- von si-nen d' geschiht
 13,99 Nv prvefen disiv zeichin
 13,100 Un- rehten sin erreichin
 13,101 Er wc gesihteclichen blint
 13,102 Als die verworhten alle sint
 13,103 In hat dc licht erblendit
 13,104 Dc alle truebe wendit
 13,105 Un- himel vn- erde entluhtet
 13,106 Div durren herzen fuhtet
 13,107 Dc in der winster glestet
 13,108 Mengem fromden gestet
 13,109 Dem l[.]ivte[.] . dc in dem lande wc
 13,110 Un- an dez todis schatten sc
 13,111 Dc hat da lange gewandelt
 13,112 Vn- wc vil vbil gehandelt

14,1 Da von ez kvme hate erbitte-
 14,2 Dc licht da in der naht e-mitte-
 14,3 Uon der megde wa-me schein
 14,4 D' vil edil karwunkilstein
 14,5 D' edil hohe werde gast
 14,6 Von dem der seltzene glast
 14,7 Aldur die erde wart geschi-
 14,8 Un- och dez liehte- st'nen p'hin
 14,9 Den Balaam der wissage
 14,10 Gekvndet hat vor me-ge- tage
 14,11 Dc wc der rehte leitstap
 14,12 D' den drin kvngen gap
 14,13 Geleite . der vnkvnden wege
 14,14 Un- si fuorte in gotis pflege
 14,15 Vntz siv den kvnic funden

14,16 Dem siv an den stunden
14,17 Drivalentic opfir brahten
14,18 Dez siv sich wol bedahten
14,19 Golt . wierovch vn- mirre-
14,20 Dar an sunt ir niht irren
14,21 Dc golt tuitet kvngis gewalt
14,22 D' wc an im gar vngezalt
14,23 D' wierovch tuitet vnv'schart
14,24 Dc er wc ein ewart
14,25 Un- der Leuiten vbirguilt
14,26 Von im so wart div e erfult
14,27 Div mirre och dc ze tute gab
14,28 Dc man in solte in ein grab
14,29 Legen nach gewonheit
14,30 Mit vil grozir bitterkeit
14,31 Div mirre ist von nature bitt'
14,32 Svz leit er dur vns me-ge- zitt'
14,33 E dc er vns ze hulde
14,34 Breht vmbe vnsir schulde
14,35 Diz licht die welt erluhtet hat
14,36 Diz licht die valschen niht lat
14,37 Geschin alsam de- keisir geschach
14,38 Alexand' der och niht sach
14,39 Un- sich konde niht v'stan
14,40 Dc diz alliz wc getan
14,41 Von genade dez hohste- gotis
14,42 Un- von der craft sis gebotis
14,43 Vn- sin v'hengede vn- sin gewalt
14,44 Appollen abgot hat erwalt
14,45 Dez tempils och den vierde- teil
14,46 Un- dc der tievil . an ein seil
14,47 Gewalteclich gevange- wc
14,48 Vn- im erzovget grozir hc
14,49 Uon dem engel vriel
14,50 Dar vmbe dc er menic sel
14,51 In die helle hat verleit
14,52 Mit siner valsche- kvndekeit
14,53 Dc er nv tivir erarnet
14,54 Wan er ist nv verbarnet
14,55 In die vinstirn helle
14,56 In dc schantgevelle
14,57 Dc er iemer bvwen sol
14,58 Mit der eweclichin dol
14,59 Div wunder vn- div zeichin
14,60 Div kvnden niht erweichin
14,61 Dez kvngis hert gemuete
14,62 Dc in flinsez fluete
14,63 Gehertet an vnselden wc

14,64 Noch herter danne ei- adamc
14,65 Nv werin die vbiln geiste
14,66 Reht alsam geneiste
14,67 Hin gescheide- mit ir her
14,68 Ane danc . sunder wer
14,69 Waren siv verschwunden
14,70 So gar an den stunden
14,71 Uon der hohin gotis craft
14,72 Div wart an in sighaft
14,73 Vn- dc vil creftic gebet
14,74 Dc div sueze maget tet
14,75 Dc wart von gote erhoret
14,76 Dez wart alda zerstoret
14,77 Dc alte lanc oppfir
14,78 Dc valsch wc vn- koppfir
14,79 Un- och die lasterlichin sitte
14,80 Die in lang waren mitte
14,81 Gewesin vn- an geerbit
14,82 Dez menic sele verderbit
14,83 Wc an gotis hulden
14,84 Die dr vmbe muzen dulden
14,85 Gotis eweclichin ban
14,86 Ez werin frowen oder man
14,87 Ovch hat div maget here
14,88 Den kvnic an siner lere
14,89 Noch furbc me gepfendet
14,90 Enpfuo zit vn- enthendet
14,91 Warin sine valschin gote
14,92 Un- hin gescheiden mit ir rote
14,93 Si hat im sine wissagen
14,94 Mit gotis kvnst alda entrage-
14,95 Die waren von ir gesweigit
14,96 Ir hohstir sin geneiget
14,97 Wart von ir vn- gar genid't
14,98 D' meistir kvnst genid't
14,99 Die an den hohsten st'nen
14,100 Irspehin vn- irlernen
14,101 Konden fromdiv wund'
14,102 Ob vns hoh vn- vnder
14,103 Wie ez den luiten sol ergan
14,104 Wie ir gelucke solde stan
14,105 Un- wie div zit vn- div iar
14,106 Sich solden rihte- al fur war
14,107 Nach den siben planeten
14,108 Dez wolden siv propheten
14,109 Von ir selbir kvnste wesin
14,110 Un- haten da von vil gelesin
14,111 Vn- wie der stern kometa

- 14,112 Den lovf vn- sine meta
- 15,1 Tovgen in dem firmament
15,2 Gat . vntz vf den innsten sent
15,3 D' stern . ist luizil luit erkant
15,4 Un- ist vmb in also gewant
15,5 Dc er sich selten schowen lat
15,6 Vn- swenn er v'borgen stat
15,7 So gat ein rovch vn- ein kvnst
15,8 Uon im als von dez tievils tu-st
15,9 Vn- swenne man den st'ne- siht
15,10 D' tuitit gerne so man giht
15,11 Urlug oder manslaht
15,12 Dc man tribet tac vn- naht
15,13 Er tuitet och gemeine- tot
15,14 An luiten an vihe dez todis not
15,15 Er tuit och gerne tuire iar
15,16 Ich han den selbe- st'ne- fuir war
15,17 Mit mine- ovgen wol gesehin
15,18 Dez ich mit warheit vil v'iehi-
15,19 Si warn an dem gestirne
15,20 So kvnsterich so virne
15,21 Un- da zvo von den winden
15,22 Die maht alda ze kinden
15,23 Martina div vil mere
15,24 Un- och die zovbrere
15,25 Dit mit ir valschen listen
15,26 Die luge wolden fristen
15,27 Dem kvnge alda ze liebe
15,28 Vn- och dez opfirs diebe
15,29 Dez tempils ewarten
15,30 Die ander bosheit harten
15,31 Die sluoc der gotlich gewalt
15,32 Umbe ir bosheit menicvalt
15,33 Der heiden ein michil p'esse
15,34 Den wart mit vollem messe
15,35 Ir sunde gar vergolten
15,36 swc siv alhie behalten
15,37 Mit ir vngelovbin
15,38 Dem valschin vn- dem tovbín
15,39 Den siv niht wolten lazin
15,40 Dez wurden siv verwasin
15,41 Dc siv die slangen azin
15,42 Un- siv dez niht entsazin
15,43 Der keisir do mit gri-me
15,44 Mit toblichir stimme
15,45 Hiez er die maget vahin
15,46 Vn- sine buobin smahin

15,47 Die vf ir minneclichin nack
15,48 Ir gabin mengen halsslac
15,49 Dc wc in vngemeze
15,50 Dc die valschis reze
15,51 Ein so schonis bilde
15,52 So kvische vn- och so milde
15,53 So frevillichin mit gebende-
15,54 Solten ane wenden
15,55 Dc von himil d' werde helt
15,56 Hat . im s<.>elbir vz erwelt
15,57 Der dc beste erkennen kan
15,58 Der werde hohe zimberman
15,59 D' diz bilde selbir sneit
15,60 D' hat gezierde vil geleit
15,61 Dar an mit grozim flize
15,62 Ir antluit lilienwize
15,63 Wc vn- dar zvo roeseleht
15,64 Dc ez dem brvitgovme moeht
15,65 Uon schulden wol gevallen
15,66 Ein tumbe sunder gallen
15,67 Gap ir libe ein reines tach
15,68 Do er ir herce so rein ersach
15,69 Un- ein so minnecliches cleit
15,70 Von dem iv wirt ein teil geseit
15,71 Diz ist von dem hemedede . An ir hut ein hemedede
15,72 Gemachit harte fremede
15,73 Wan ez wart nie gespunne-
15,74 Noch gebleichit an d' sunne-
15,75 Noch vz gelwem flahze
15,76 Geverwet nach dem wahze
15,77 Ez wc och niht von hanfe
15,78 Geblwen in dem stanfe
15,79 Ez wc och ane zotten
15,80 Gezeltet noch gebrotten
15,81 Dc werk wc vngeblwen
15,82 Wan ez wart nie gebuwen
15,83 Ez wart noch nie geseiet
15,84 Gelochin noch gemeiet
15,85 Dc hemede wart nie gewebe-
15,86 Dc got der megde hat gegebe-
15,87 Nv sprechint wie im were
15,88 Dc der wunderere
15,89 Siner liebin brvite gap
15,90 Dc nie menschin hant gewap
15,91 Swer ez kovfen wolde
15,92 Der moht ez niht vo- golde
15,93 Noch mit silbir wid' wegin
15,94 Da mit d' himelschliche degi-

15,95 Sin reinis bilde hat becleit
15,96 Dc wc div wize kvschekeit
15,97 Die got so sere mi-net
15,98 Dc man im ab gewinnet
15,99 Sin riche . vn- swez d' m-sche g't
15,100 Dez wirt er allis gar gew't
15,101 D' megde megtuome
15,102 In dem hohsten ruome
15,103 Uor gotis ovgen blueiet
15,104 Da bi div sele trveiet
15,105 Vn- wirt da von gespiset
15,106 Als mich div warheit wiset
15,107 So si-t dc rehte megde die
15,108 Die got gemehilt ware- hie
15,109 E dc siv von der welte
15,110 Un- von ir minnegelte
15,111 Waren iht bekrenkit
15,112 Un- dar vngewenkit

16,1 Ir muot beliben stete
16,2 In der vil reinen wete
16,3 So dc ie frueer w'e geschihin
16,4 So bezzir vil dez muoz ma- iehi-
16,5 Der eren riche Beda
16,6 Sprichit . an einer stat da
16,7 "Die megde sun . vn- ist ir reht
16,8 Mit ir geberden w'den sleht
16,9 Un- ir natur erschrecken
16,10 Gein manlichen blicken
16,11 Vn- gein ir rede sere schamen
16,12 Ir wort div svln halb erlame-
16,13 Mit fuge in ir munde
16,14 Uon bluger vrkvnde"
16,15 Der guot sant Bernhart
16,16 D' wiset vf die selbin vart
16,17 Er giht d' blueiende magtuom
16,18 Allir tugende si ein bluom
16,19 Vn- ein durluihte gimme
16,20 Ir lut hat sueze stimme
16,21 Ein swestir der engel
16,22 D' kvische ein lilienstengel
16,23 Ein glasvc der cristenheit
16,24 Dc durluhten schin treit
16,25 Vn- och der sele ein lebindes lieht .
16,26 Dar abe got selbe niht e-schiet
16,27 Sit trittet lise geluste
16,28 Un- ovch ir akvste
16,29 Mit craft vnder die fueze

16,30 Un- och ir valsche sueze
16,31 Si vbirwindet die loese- geiste
16,32 Un- ir brimnenden geneiste
16,33 Si versmahet gar die welt
16,34 Ir gezierde ir frovde ir lonis gelt
16,35 Si wirfit alle frovde nider
16,36 Vn- rihtet crank gemute wid'
16,37 Si ist ein schilt vn- och ein w'
16,38 Fur der svnde- . wuete-s her
16,39 Sant Augustinus schribet
16,40 Swer in dem fleisch belibet
16,41 Un- doch ane dc fleisch lebet
16,42 Vn- dez gelusten wider strebet
16,43 D' hat ein irdisch lebin niht
16,44 Er hat mit gotis engiln pfliht
16,45 Swer engilschlich nature
16,46 In menschlichir figure
16,47 Un- in dem fleisch erwirbit
16,48 Vn- sin vntugende erstirbit
16,49 Das t grozir ere vn- hoh' lon
16,50 Un- bringet wirdeclich' kron
16,51 Dann'e si von im selbin hat
16,52 Vn- in kein kvmb' ane gat
16,53 D' engil hat die selecheit
16,54 Uon got der hat in so breit
16,55 Dc er niht boeser dinge gert
16,56 Er ist dez besten gar gew't
16,57 So muoz div maget erstritin
16,58 Mit herten vbilen zitin
16,59 Un- muoz vil dicke erswiztin
16,60 Dc si den bosen hitzin
16,61 Dez geilen fleischis muge engan
16,62 Vn- bi der reinekeit gestan
16,63 Der tiefil treit ir stetin hc
16,64 Dur dc si wil erwerben dc
16,65 Dc den engiln ist erkorn
16,66 Un- von nature an geboren
16,67 Ein engil wesin alt ei- magt
16,68 Als vns dvi schrift mit warheit sagt
16,69 Ist vil gar vnmuglich
16,70 Vn- an der stete trugelich
16,71 Ez muze vo- gotis genade- wese-
16,72 D' hat siv beide vz erlesin
16,73 D' magtuome sweimet
16,74 Als im got hat beneimet
16,75 In eweclichir wunne
16,76 Ob menschinkvnne
16,77 Un- ob ir nature hoh

16,78 Wan si der welte vnfuore floch
16,79 Ez sprichit sant Bernhart
16,80 “Den megdem zimt vo- reht’ art
16,81 Driv dinc div si wol zierint
16,82 Ob si div niht verlierint”
16,83 Scham an ir ovgen vn- ir antluit
16,84 Dc er i- ratet vn- gebuit
16,85 Dc and’ dc er meinert
16,86 Dc ist also erscheinet
16,87 “Si svn ir wort einvaltic
16,88 Sin . vn- gar gewaltic
16,89 Dc siv iht varen vzsir wege
16,90 Dc dritte han in guotir pflege
16,91 Dc ist willige armuot
16,92 So ist der schaz wol behuot
16,93 So machit alle guot
16,94 Un- ir sint alle tugende fruot”
16,95 Uo- den megden sprichit sus
16,96 D’ guote sant ysodorus
16,97 “Swelh magt ist an de- libe ein . magt
16,98 Un- ir der muot dar vnd’ wagt
16,99 Vn- niht reht’ stete pfliget
16,100 Div hat de- fleisch niht a- gesiget
16,101 Un- mac ei- magt geheize- niht
16,102 Die wile d’ muot de- libe nit giht
16,103 D’ muot d’ muoz dem libe
16,104 An manne- . vn- an wibe
16,105 Vn- och der lip dem muote
16,106 Mit vnv’scharter huote
16,107 Jem’ stete kvsche pflege-”
16,108 Ist dez an beiden niht geschehi-
16,109 De- wirt och niht d’ megde lo-
16,110 Noch dvi megtlich kron
16,111 Div da heizit Aureola
16,112 Dvi hat vil hohin pris alda

17,1 Die die maget ze himil trage-t
17,2 Die hie dem fleische wid’sage-t
17,3 Aureola ist sunderlich
17,4 Ein kron gemachit wund’lich
17,5 Wan div kron ist zwivalt
17,6 Nach wunsche gar . vn- gar gestalt
17,7 Die si tragent elliv zit
17,8 Umbe ir zwivalten strit
17,9 Dc si ir fleisch vn- och ir bluot
17,10 Hant vbirwunde- vn- ir muot
17,11 Die welt . vn- och ir fursten
17,12 Sint von ir richen hursten

17,13 Vil dicke hie zerkretzit
17,14 Dez sint z wol ergetzit
17,15 Mit Aureola dem kranze
17,16 Uon zwivaltem glanze
17,17 Er ist genant nach golde
17,18 Die megde hant in ze solde
17,19 Die in dem fleisch erworbe- ha-t
17,20 Dc den engiln ist benant
17,21 Von got d' si also geschuof
17,22 Dc in niht tuot d' welte wuof
17,23 Diz ist div reine kvschekeit
17,24 Uor got ein vz irweltis cleit
17,25 Dc er Martinen hat gegebe-
17,26 Vmb ir kvschis martirlebe-
17,27 Svz wc sin vz irweltiv brvt
17,28 Becleidet an ir wizin hut
17,29 Diz ist von dem rokke Dar vbir hat ir got gesnitte-
17,30 Ein rock nach guoten sitten
17,31 Dc wc div frie miltekeit
17,32 Mit dem div reine wc becleit
17,33 Si gap ir lip mit frier wal
17,34 Dur got in dez todis val
17,35 D' sele tot . den mein ich niht
17,36 Ze dem hat si deheine pfliht
17,37 Ich mein alhie dez libes lebi-
17,38 Dc wart gewehsilt vn- wc gegen
17,39 Vmb dc lebi- dc iem' stat
17,40 Da frovde nah froden nviwe stat
17,41 Got selbe lobt miltekeit
17,42 Da von ir lob muoz wesi- breit
17,43 Got neinmit si d' selde- kint
17,44 Die hie vf erde milte sint
17,45 Un- sprichit vz sine- witzein
17,46 "Ir sunt dc ertrich besitzin"
17,47 Dc ist gemeinet in drie wis
17,48 Dc erste ist der welte pris
17,49 Div welt div minnet miltekeit
17,50 Un- wirt ir lob vo- milte breit
17,51 Dc andir ist dc ertrich
17,52 Dc er besitzit frolich
17,53 Vmbe die milte die er hat
17,54 Vn- ez im got mit fride lat
17,55 Dc dritte dc ist . in wirt gebe-
17,56 Ein also reht svezes leben
17,57 Alhie ioch vf d' erde
17,58 So rein vn- och so w'de
17,59 Dc got in solhir suez git
17,60 Alle tage vn- alle zit

17,61 Dc siv der welt sueze wegint
17,62 So hie die tumbe luite pflegi-t
17,63 Reht als eine- fulin mist
17,64 In ist d' sueze Jesus crist
17,65 So sueze z allir stunde
17,66 In herze- . vn- och in munde
17,67 Dc si reht ein himilrich
17,68 Hant vf disem ertrich
17,69 Ez redet alhie mi- oder mu-t
17,70 Dc doch dem h'zen ist vnkv-t
17,71 Wa- ich leider nie bevant
17,72 Dc ich den lute- tuon erkant
17,73 Wa- niema- gantze frovde mac
17,74 Gehabin einen halben tac
17,75 In irre eht iemir etswc
17,76 Dc in der frovde machit lc
17,77 Sw' solhe frovde erwirbet
17,78 Div hie noch dort verdirbet
17,79 D' ist hie vn- dort ein selic ma-
17,80 Dc ich nv da von reden kan
17,81 Un- mir doch ist so wilde
17,82 D ist ein gelichis bilde
17,83 Als d' fur eine kreme gat
17,84 Da ma- vil krames schowe- lat
17,85 Dez in wol gelustet
17,86 Un- ez vil dicke kvstet
17,87 Vn- och dez crames einc sint
17,88 Dc ist im frovde vn- ovch pin
17,89 Da von so horent de- gotisrat
17,90 Den er gegeben de- milte- hat
17,91 Got ratet dc wir milte wese-
17,92 D' het och allirbest gelesen
17,93 In d' schuol der wisheit
17,94 Div so tief vn- och so breit
17,95 Swer da von gedenkit
17,96 Ze verre . d' wirt bekrenkit
17,97 Vn- der selbin witze fri
17,98 Div im ist von nature bi
17,99 Got git vns sine lere also
17,100 In dem ewangelio
17,101 "Lerne-t bi mir milte sin
17,102 Ich bi- d' milte ein voll' schrin
17,103 Vn- lerne-t bi mir demuot
17,104 Div alle tugende tuot behuot
17,105 Wan ich bin milt vn- demuote
17,106 Un- vbirfluzzic aller guete"
17,107 Swer tuot dc er leret
17,108 Dez lere vn- rat ist geerit

- 17,109 Dem lerer ez niht wol a- stat
17,110 Vn- in div lere berespet hat
17,111 Leren . vn- niht selbe tuon
17,112 Daz ist ein spot . ein od' ruon
- 18,1 Wer mohte dem getruwen
18,2 Uf sinen rat getruwen
18,3 Er sprach "min ioh ist senfte gar
18,4 Ze tragen . swer sin nimet war
18,5 Der treit ez senftecliche
18,6 Wan ez giltet himilriche
18,7 Min burde ist och gar lihte
18,8 Wan ich si selbe wihte
18,9 Ich han si drizic iar getrage-
18,10 Un- vierdhalbis vf mine- kage-
18,11 Sw' nv nach mir welle gan
18,12 Als ich im vor gegange- ha-
18,13 D' sol sin selbis verlovgen
18,14 Offenlich vn- tovgen
18,15 D' sol sin cruce trage- enbor
18,16 Un- treite- vf mine- spor"
18,17 D' man d' so nach sin' maht
18,18 Dc cruce tragen tac vn- naht
18,19 Bescheidenlich vn- v'irt
18,20 Wan der himilschliche wirt
18,21 Wil miltes ingesinde
18,22 Habin . swa er s vinde
18,23 Dc got die milte- minnet
18,24 Dez sint ir wol besinnet
18,25 An moyses dem w'den helt
18,26 Den got hat selbe irwelt
18,27 Vbir sin volk ze pfleger
18,28 un- ovch z einem weger
18,29 Inmittin dur dc rote mer
18,30 Da fuorte er dc gotis her
18,31 Dem kam nach iagende do
18,32 D' vbil kvnic pharao
18,33 Der wart alda entrenkit
18,34 Un- in die helle gesenkit
18,35 Als ir wol dicke hant v'nom-
18,36 Ich wil dc alte mere drome-
18,37 Moyses der wc erkant
18,38 D' miltest m-sche de- ma- do va-t
18,39 Got wart nie m-schen so hei-lich
18,40 Dez ergiht div schrift gemeilich
18,41 Untz an cristez geburt
18,42 Mit rede vn- mit antwurt
18,43 D' och der miltekeit genoz

18,44 Wan div ist vor gote so groz
18,45 Dc er da mitte wolde
18,46 Becleide- als er solde
18,47 Martina- die reine- magt
18,48 Div sine- ogen wol behagt
18,49 Got mi-net den d' frolich git
18,50 Un- mit gabe niht lange bit
18,51 Dc sich also betuitit
18,52 Swer trureclichen butit
18,53 Von im die gabe mit d' ha-t
18,54 De- si von warheit dc bekant
18,55 Dc er den nvtz verlorn hat
18,56 D' von der widergabe gat
18,57 Diz ist von der svggniegnie Got hate d' wandils frien
18,58 Eine suggenien
18,59 Ubir den rock gesnitte- wol
18,60 Als man ob rockin trage- sol
18,61 Dc wc div gerehtekeit
18,62 Von der vil eren ist geseit
18,63 Div ist nv als ich wene
18,64 Uil luten selzene
18,65 Div wc d' megde wol bechant
18,66 Wan si gap ein schones pfa-t
18,67 Ir lip dur die gerehtekeit
18,68 Dez ist vn- wirt ir lob breit
18,69 Si ist ein harte froemder gast
18,70 Si ist menge- verrer da- ei- rast
18,71 D' si doch weinet bi im han
18,72 Den lat si lasterlichin stan
18,73 D' wan d' truget dicke
18,74 Die liechten ovgenblicke
18,75 Wan sint nv die gerehten
18,76 Weiz got siv muozen vehten
18,77 Mit mengir hande luiten
18,78 Die si wellen truiten
18,79 Mit den valschen mieten
18,80 Die och da her v'rieten
18,81 Die crankemuoten riht'
18,82 Den sint die miete wol gerer
18,83 Beide stille vn- offenber
18,84 Tvo si vil me-gen witze ler
18,85 Dvi miete gar ze hove fur
18,86 So muoz vil dicke vor d' tvr
18,87 Dc gotisreht beliben
18,88 Wer mohte gar geschriben
18,89 Wc div miete wund's kan
18,90 Ez mueze tuon ei- muezic man
18,91 Swer bi der rehtekeit gestat

18,92 Un- si von im niht triben lat
18,93 D' muoz halten menge- kanpf
18,94 D' gitsack zvhit als ein kra-pf
18,95 Zesamen menge zvngen
18,96 Dem alten . als dem iungen
18,97 Sw' wil gerehtecliche- lebin
18,98 D' muoz dez vatters sich bewege-
18,99 Swester vn- brvudir
18,100 Un- were der ein fuodir
18,101 Vn- wider die kvnde grine-
18,102 Die froemden vn- die sinen
18,103 Als och div reine sueze magt
18,104 Uon der cleide ich ha- gesagt
18,105 Div zarte gotis amie
18,106 Wie ir suggenie
18,107 Wc vz rehtekeit gemaht
18,108 Als der vil guoten wc geslaht
18,109 Dvi wc gefurrierit mit zvht
18,110 Div hat ze megden ie ir fluht
18,111 Ir strit d' wc so zvhtic
18,112 Ir lere so genuhtic

19,1 Dc menic heiden ir genoz
19,2 D' in abrahames schoz
19,3 Frolich wart gefueret
19,4 Da niem' in berueret
19,5 Dirre welt swere
19,6 Sin frovde dvi ist mere
19,7 Dvi zvht dvi stillit menge- zorn
19,8 D' von den luite- wirt erkorn
19,9 So siv wolten vbil tuon
19,10 Div zvht dar vnd' machit svon
19,11 Div zvht div minne weckit
19,12 Div zvht den zorn ersteckit
19,13 Div zvht div k'et vientschaft
19,14 Ze rehtir liebi mit ir craft
19,15 Un- och ir nvtz in ellvi lant
19,16 Div zvht tuot alle tuge-de erka-t
19,17 Dvi zvht beiagt d' viende gunst
19,18 Dc ist ein wund'lich kvnst
19,19 Dc sint die zvht niht vebe- we-t
19,20 Noch ir muot nach ir niht se-t
19,21 Un- si doch minne-t dur ir fuoc
19,22 Dc si ist kvrteiz vn- cluoc
19,23 Got hat d' magt ein hemedede
19,24 Gemachit harte fremede
19,25 Ein rock ein suggenie
19,26 Zvo der himelschen storie

19,27 Da si von reht geordnit wc
19,28 Noch hat er becleidit si bc
19,29 Diz ist von dem mantel . Mit eine- mantel d' wc rich
19,30 Gemachet harte wund'lich
19,31 D' wc gewurkit vz gedult
19,32 D' tugende vil ein vbirgult
19,33 O we wer ist gedultic
19,34 Dez bin ich leider vnschuldic
19,35 Ich bin der si da nande
19,36 Un- si doch nie erchande
19,37 Div der megde mantel wc
19,38 Vn- dahte dc vil reine vc
19,39 Dez tuiren mantils vmbesweif
19,40 Die magt . vn- ir gewant begreif
19,41 Un- wc doch offe- vorne-
19,42 Dc man d' hohgeborne-
19,43 Cleider kos dar vnder
19,44 Ieglichis besund'
19,45 Och sprichit sant B'nhart
19,46 Von der gedult vnv'schart
19,47 Dc den gedultigen man
19,48 Div welt niht vbirwi-de- ka-
19,49 Noch allis dc vf erde lebt
19,50 Die wile er an d' tuge-de clebt
19,51 Dc ich die rede mache kvrtz
19,52 Gedultekeit dc ist ein wurtz
19,53 Uon der alle tugende gant
19,54 Vn- ir craft von ir hant
19,55 Wa- als dvi wurz treit de- bovn
19,56 Also treit si den sweren sovn
19,57 Vf swc man arbeit vf si leit
19,58 Dc treit wol div gedultekeit
19,59 Och sprichit von gedult alsus
19,60 Der guote sant Gregorius
19,61 Dc si den zorn stillet
19,62 Der dicke wid' billet
19,63 Si zovmet och die zvngen
19,64 Den alten als den iungen
19,65 Si schirmt och dc gemuete
19,66 Uor vbil vn- vor vnguete
19,67 Vn- behalt och in gelucken
19,68 Demuot von bosen tucken
19,69 Ir svn dc von ir merken
19,70 Dc si dc herze sterken
19,71 Kan . in widerwertekeit
19,72 Da von so ist ir lob so breit
19,73 Div selbe tugent git geleit
19,74 Un- von dem tiefil sichirheit

- 19,75 Job der hat die selben tuge-t
 19,76 Beweret och mit sin' muge-t
 19,77 Den d' tievil ane vaht
 19,78 Mit craft mit allir sin' maht
 19,79 So wc er ie so vollekomen
 19,80 Dc er hat den sig genome-
 19,81 Un- ander menic w'der helt
 19,82 Der von d' welt ist vil geq\<
 19,83 Nv wc der mantel vnd'zoge-
 19,84 Mit tuire- fvoter vnbetrogen
 19,85 Div vedir wc dvi hohe schame
 19,86 Vor gote ist wert d' tvire name
 19,87 Er ist och hie den livte- w't
 19,88 D' herze tugent vn- ere- gert
 19,89 Dvi scham dvi leret gute sitte
 19,90 Un- lat niht gan vz ere- scritte
 19,91 Dvi scham gein selde- gat e-zelt
 19,92 Dvi scham die tovgen niht v'melt
 19,93 Dvi scha- dvi zieret me-ge zvht
 19,94 Un- hat ze reine- h'zen fluht
 19,95 Scham div leret warheit
 19,96 Si hat der luge wid'geseit
 19,97 Dvi scham div ogen zieret
 19,98 D' munt vo- schame smieret
 19,99 Scham ist ein hoh' leitstab
 19,100 Den got den megde- selb' gab
 19,101 Wc solten frowen ane scham
 19,102 Reht als die spelte- ane rame
 19,103 Scham ist allir tuge-d ei- zovm
 19,104 Ist alliz ane scham ein trovnm
 19,105 Ist ein rittir ane scham
 19,106 Dez er ist vor d' welte lam
 19,107 Scham git allen tuge-de- rat
 19,108 Da man si nach ir tuge-de hat
 19,109 Si treit den hohgelobte- nam-
 19,110 Si kan div wilde- ovgen zame-
 19,111 Scham tilget menge sivnde
 19,112 E dc si kam ze kvnde

 20,1 Vn- si dem riht' w'de gesagt
 20,2 So hat si scham vor gote v'iagt
 20,3 Scham deckit menge missetat
 20,4 Dvi scham git alle- tuge-de- wat
 20,5 Scham cleidit wip vn- dar zvo man
 20,6 Nv hore- wc si fuoge kan
 20,7 Wie mac si so vil cleider gebe-
 20,8 Si kan doch spinne- noch webe-
 20,9 Un- vint ir ovch niht veile

20,10 In der welte teile
20,11 Ich sprich in ein' bihte
20,12 Si mac die cleiden lihte
20,13 Die ir gewant mit rehte trage-t
20,14 Als vns div buoch d' warheit sage-t
20,15 Man welle si da-ne suoche-
20,16 An den swarze- buochen
20,17 Ob man si da vinde
20,18 Dez tievils ingesinde
20,19 Nv bitte- wir die maget clvoc
20,20 Dvi dc gewant mit rehte truoc
20,21 Wan si wc ir mantels vedir
20,22 Un- wc als ich iv sage enwed'
20,23 Eichvrnin noch merderin
20,24 Noch vehe vn- hermin
20,25 Si wc eht svz von hoh' kost
20,26 Vn- schirmde vor hitze vn- vor frost
20,27 Svz wc dvi magt beva-ge-
20,28 Mit einem mantel langen
20,29 Ane snit vn- ane nat
20,30 Diz wc ein wund'lich wat
20,31 Der meist' ist och wund'lich
20,32 Der div cleider sunderlich
20,33 Kan finden ane schere
20,34 Diz ist ein fremdes mere
20,35 Un- kan si machin ane hant
20,36 Sin werk tuot in vil wit erka-t
20,37 Er mac wol sin vil spehe
20,38 Sin snit der ist so wehe
20,39 Hei solt ich nach de- wille- mi-
20,40 Iemir bi dem meistir sin
20,41 In siner spehin schuole
20,42 Bi sinem werchstuole
20,43 Ich wolte wunder machin
20,44 Von selzenen sachin
20,45 Ich wolte mere lernen
20,46 Da-ne alle die von salernen
20,47 Ie gelasen vn- geschriben
20,48 Vn- noch ze paris si-t beliben
20,49 Ich wolte die steinmetzin
20,50 An kvnsten alle letzin
20,51 Un- swc vf erde w'kis ist
20,52 Dc duhte mich ei- krank' list
20,53 Nv lazen dise zivilrede
20,54 Vn- gange- wid' an die pfede
20,55 Da wir die rede gelaze- han
20,56 Dvi von dem mantel wc geta-
20,57 Un- wie d' suezin megde cleit

20,58 Nach gotis willen wc bereit
20,59 Mantel . suggenie . roc . hemedē wiz
20,60 Dc wc bereit wol nach fliz
20,61 Dvi guote hat als ir gezan
20,62 Diz ist von dem Fvirschan . Uor an ir brust ein furschan
20,63 Als ich mich nv versinne
20,64 Dc wc div sueze minne
20,65 Div lac in irme h'zen
20,66 Dc hate senften sm'zin
20,67 Von d' minne wunden
20,68 Die stuonde- vnderbunde-
20,69 Un- sun och niem' w'den geil
20,70 Ir . lip . ir guot . wc alliz veil
20,71 Dur den si da hat v'wunt
20,72 Mit mi-ne vnz an ir h'ze- gru-t
20,73 Ein wort dc sprichit Salomo-
20,74 Vz sines wisen mundis don
20,75 Div minne ist starc alsa- d' tot
20,76 Uf erde wart nie groz' not
20,77 Danne hie dez libez sterben
20,78 Gewonlich . vn- verderben
20,79 Nv merkind an dem sinne
20,80 Dc div starke minne
20,81 Dem tode ist gelichit
20,82 Wan dem tode wicht
20,83 Swem got vf erde hat gegebē-
20,84 Sin vn- och verganclich lebi-
20,85 Da von ist niht ein wund'
20,86 Swelh h'ze hie besunder
20,87 Die starkin mi-ne enphahet
20,88 Dc ez iemir smahet
20,89 Der welte liebi vn- och ir gunst
20,90 Als ein zornic karke brvnst
20,91 Ovch sprichit vo- der mi-ne- ger
20,92 Ein meister heizit psper
20,93 Dc div gewere mi-ne si
20,94 Ein gerechter wille fri
20,95 D' von dirre welte guot
20,96 Gantzlich gekeret hat de- mvot
20,97 Un- gar ze got gefuoget ist
20,98 Stete an allen valsche- list
20,99 Ovch sprichit sant Augustin
20,100 Von d' hohin minne- sin
20,101 Dc div minne die ma- mach
20,102 Gelazin stunde alder tac
20,103 Dc ist div ware mi-ne niht
20,104 Div ware dvi hat iem' pfliht
20,105 Zvo d' wernden stetekeit

- 20,106 Un- hat von ir ein guot geleit
20,107 Sant Augustin sprichit mer
20,108 Von der steten mi-ne her
20,109 “Ich wande mit den ovgen
20,110 Got begrifen tovgen
20,111 D’ menschelichen bescheide-heit
20,112 Dc wc von mir ei- affenheit
- 21,1 Wan niema- in begrifen kan
21,2 Wedir wip noch dar zvo man
21,3 Wan mit dem ovgen d’ minne
21,4 Vn- mit dez geistes sinne
21,5 Wan si ist ein summe
21,6 Allir gutir tat allumme
21,7 Ein heil allir guotir sitte
21,8 Da erkennet man si mitte
21,9 S ist allir tugint ein vb’gult
21,10 Mit d’ minne sint erfult
21,11 Ellvi himelschen gebot
21,12 Div ie gebot d’ milte got
21,13 Si todit alle sivnde
21,14 Un- hat von gote vrkvnde
21,15 Dc si die svnde swendet
21,16 Ir kneht ze gote sendet
21,17 Si ist ein lebin allir tugent
21,18 Vn- git in craft vn- dar zvo mugent
21,19 Un- gruene-t in d’ mi-ne rat
21,20 Alsam ein gruen roggensat
21,21 Si git och gotis knehte- craft
21,22 Vn- werdent mit ir sighaft
21,23 So mun wir gerne striten
21,24 In disen kvrzen ziten
21,25 Un- ruren fueze vn- hende
21,26 Dc wir von disem ellende
21,27 Kom- in der froviden sal
21,28 Da wunne ist iemer ane zal
21,29 Dvi mi-ne ist och ein balme
21,30 D’ signuft ein galme
21,31 Den die gotiskenpfen trage-t
21,32 Un- grozis lob dar umbe sage-t
21,33 Och git div minne wafen
21,34 Allen gotis schafen
21,35 Die einvaltiges h’zin sint
21,36 Die sint alle gotiskint
21,37 Den div mi-ne wafen git
21,38 Gein den vienden in de- strit
21,39 Dvi mi-ne ist och ein rich’ lon
21,40 D’ vollekome- . vn- ein kron

21,41 Si git in rvwe groze fruht
21,42 Die svnder habint zvo ir fluht
21,43 Si leitet ir gebet ze gote
21,44 Zvo dem ist si d' beste bote
21,45 Wan got dem bote- niht v'saget
21,46 Swc hie mit rviwe wirt geclaget
21,47 Ein frovde vn- och ei- Gloria
21,48 Ein sig . vn- ein victoria
21,49 Den hohen martereren
21,50 Den edilen den geberen
21,51 Die hie gegozzi- hant ir blvot
21,52 Un- wol beswunge- mit d' ruot
21,53 D' welt an alle ir schulde
21,54 Die hant nv gotis hulde"
21,55 Ez sprichit och ein heiden
21,56 O we dc er gescheiden
21,57 Sol von dem himilriche wesin
21,58 Un- iemir in der helle kresin
21,59 Er hat so wol geret von tugent
21,60 Vn- von d' minne in sin' iuge-t
21,61 Er wc so kvsche so tuge-thaft
21,62 Dc ich im der geselleschaft
21,63 D' bosewihte erbunne- muoz
21,64 Ich gunde im wol dc er de- gruoze
21,65 Dez hohste- kvnges solte han
21,66 Un- dc mit rehte wer getan
21,67 D' wc geheizin Seneca
21,68 D' selbe name tuitit sa
21,69 Dc er sich selbe hab erslage-
21,70 Als ich iv wil dc m'e sagen
21,71 Ein keisir der hiez Nere
21,72 Dez zvhtmeist' . wc er do
21,73 Swe-ne in der keisir an sach
21,74 So erschrac er als er i- v'iach
21,75 Wan er wc gar ei- boeswiht
21,76 Als dvi schrift d' warheit giht
21,77 Un- wolte nach geluste
21,78 Lebin vn- in akvste
21,79 Dc and's kvnde niema- erzeln
21,80 Da von hiez er d' meist' weln
21,81 Nach sine- willen eine- tot
21,82 Den er im do ze lone bot
21,83 Er hiez sich setzin in ei- bat
21,84 Un- lazen an der selbi- stat
21,85 Als im dez todiz vorhte riet
21,86 Un-z dc div sele von im schiet
21,87 Dvi fuor als gotis wille wc
21,88 Doch sagent vns dvi buoch dc

- 21,89 In d' helle brinnet niht
 21,90 Wan eige- wille d' hie geschiht
 21,91 D' sprichit . dc dvi minne fri
 21,92 So kreftic von nature si
 21,93 Dc si vnmugliche dinc
 21,94 Mit rehte bringt i- ir getwi-c
 21,95 Dc si werdent muglich
 21,96 Un- ist och dc vntruglich
 21,97 Als man geschriben- vindet
 21,98 Div minne vbirwindet
 21,99 Swc vf erde lebendes ist
 21,100 In kvrtzir . ald in lang' frist
 21,101 Gein got sint ellvi w'k blint
 21,102 Da bi man niht die mi-ne vi-t
 21,103 Div mi-ne git de- werke- lon
 21,104 Ir galm d' hat so suezen don
 21,105 Dc er der sele sanfte tuot
 21,106 Un- git dem h'zen reine- muot
 21,107 Minne ist von nature balt
 21,108 Vn- ist craft so menicvalt
 21,109 Dc si den bindet mit gewalt
 21,110 D' sine vient hat gevalt
 21,111 Der magde cleit wc vollekome-
 21,112 Als ir da vor hant v'nom-
- 22,1 Un- och ein furspan an ir brvst
 22,2 Div gar an alle akvst
 22,3 Von d' suzen minne wc
 22,4 Un- lutir als ein spiegilglc
 22,5 Nv wc dc reine bilde
 22,6 So kvisch vn- och so milde
 22,7 Div guote sundenfrie
 22,8 Ub' die suggenie
 22,9 Diz ist von dem Gvirtel Mit eine- borte- vmbegebin
 22,10 D' wc gewurkit noch gewebi-
 22,11 Er wc och niht gestrickit
 22,12 Vz siden noch gerickit
 22,13 Un- wc niht nach pflihte
 22,14 Gemachit in der tihte
 22,15 Gezwirnet noch gespunne-
 22,16 Dez ir got wolde gunnen
 22,17 Gezettit noch gedrihit
 22,18 In hat got gewihit
 22,19 Noch gewurkit in d' rame
 22,20 Si moht in haben ane schame
 22,21 Noch gewurkit in spelten
 22,22 Wer mohte den v'gelten
 22,23 Er wc mit silbir niht beslagi-

22,24 Si mohte in wol mit ere- tragi-
22,25 Noch geworht von golde
22,26 Als si in habin solde
22,27 Vn- wc nach gotis wille- greh
22,28 Noch hate ringge- noch dc pleh
22,29 Nv ratent ane swere
22,30 Wessin der gurtel were
22,31 Er wc so wol gespehet
22,32 Mit listen so gewehet
22,33 Dc man erkenne- mohte
22,34 Dem er ze kiesin tohte
22,35 Sin hohe Meisterschaft
22,36 Vn- sin wund'liche craft
22,37 Un- den selzene- sit
22,38 Den der riche goltsmit
22,39 Erzovget an den gurtel hat
22,40 D' div cleider ane nat
22,41 Begurtet ane ringge-
22,42 Sw' nv dc welle erzwi-ggen
22,43 D' schowe mit den ovgen
22,44 Offen vn- tovgen
22,45 Sw' och nv mit d' sele liden
22,46 Nach lone wolte gerne smide-
22,47 D' solt sin herze twingen
22,48 Un- zvo dem meist' dingen
22,49 Dc er in sines h'zin kamer
22,50 Mit d' stete- mi-ne hamer
22,51 Die fivnf sinne muezen
22,52 D' sunden stahil glueien
22,53 In der minne fuire
22,54 Dc wer ein stetui stuire
22,55 Un- danne mit bihte reckin
22,56 Die svln adren weckin
22,57 D' mahte sine sunde quit .
22,58 So danne der spehe hovbtsmit
22,59 Sine- erst irsehe
22,60 So lert er in dc wehe
22,61 Werc . vollebringen
22,62 Un- liez im wol gelinge-
22,63 An dem w'cke hoher tugent
22,64 Vn- gebe im craft vn- dar zvo mvgent
22,65 Nv bin ich leider trege
22,66 Un- starchim werk vnwege
22,67 Vor dem inbiz . vn- dar nach
22,68 So st mir ze starke- w'k niht gach
22,69 Da von ich kvnstelose
22,70 Uz tumbem sinne kose
22,71 Ich rat dez ich niht selb' tuon

- 22,72 Dc ist ein affeclich' ruon
22,73 Min selbis ich gespotet han
22,74 Vn- tete mir s ein andir man
22,75 Ez mute mich vil sere
22,76 Svz wenet menger ere
22,77 Han dc im ein lastir ist
22,78 Swer nv welle an dirre frist
22,79 Horen wie dem gurtel wc
22,80 Da mit dc tugende riche vc
22,81 Wc bevangen vn- begurt
22,82 In selden dvi vil hoh geburt
22,83 D' borte wc so rilich
22,84 Uon hohir kost so frilich
22,85 Vn- wer der welte richeit
22,86 Zesamen gar . vn- gar geleit
22,87 Die mohte niht vergelten
22,88 Der borten ane spelten
22,89 Un- ane ringgen geworht
22,90 D' der megde vnervorht
22,91 Wc gestricket vmbe ir lanke
22,92 Div clar vn- och div blanke
22,93 Wc dez gurtels wol wert
22,94 D' got ze brvite hat gegert
22,95 Si wc an lib . an sele bel
22,96 Dez ist ir lob vferde hel
22,97 Ich wil den gurtel ne-men
22,98 Den svnt ir wol erkennen
22,99 Sw' da mit ist bestricket
22,100 Un an in ofte blickit
22,101 Mit der sele ovgen
22,102 So ist ez ane lovgen
22,103 Er werde sa gebunde-
22,104 Ze gote an der stunde-
22,105 Mit dem selben borte-
22,106 Nv wil ich iv mit Worten
22,107 Sinen namen entsliezin
22,108 Ez wolt ivch lieht erdriezin
22,109 Un- moht ich iht geniezin
22,110 Ob wir s ivch wissen liezin
22,111 Der gurtel ist dvi stetekeit
22,112 Div allir tugende krone treit
- 23,1 Uon ir so sprichit d' gotis zart
23,2 Der guote sant Bernhart
23,3 Dc div selbe tugende groz
23,4 Allir tugende si ein schoz
23,5 Da inne siv ir rvowe hant
23,6 Un- frolich vz vn- in gant

23,7 Spilent als div zarten kint
23,8 Div spilvogil ir muot' sint
23,9 So si ir willen varent
23,10 Mit zuht mit tugenden iare-t
23,11 So sint siv bi dem eide
23,12 D' muot' ovgenweide
23,13 Un- dar zvo der frovden stap
23,14 Von dirre welt . vnz i- ir grap
23,15 Got hat den livten lere gegebe-
23,16 Die lengirn went dez libis lebe-
23,17 Dc si die vattir eren sunt
23,18 Un- och die muotra- swa siv mv-t
23,19 Dc sol man geistlich v'stan
23,20 So ist bezzir vil getan
23,21 So vil div sele och hoh' wigit
23,22 So si dem libe . an gesigit
23,23 Div stetekeit ein ende git
23,24 Allen tugenden ane strit
23,25 Un- werdint an ir ende
23,26 Versuochit . von ir hende
23,27 Die lute hant ein sprichwort
23,28 "An dem ende wirt bekort
23,29 Wie d' m-sche hat gelebt
23,30 Der dicke wider got strebt"
23,31 Un- sprechint "ez ist allis guot
23,32 Wirt dc ende wol behuot"
23,33 Alsus versuchit si alle tugent
23,34 An dem ende bi ir mugent
23,35 S ist allir tugent ein amme
23,36 Als die este von dem stamme
23,37 Nemint ir craft vn- ir fruht
23,38 Als hant siv von ir al genuht
23,39 Si grunent vn- bluegent
23,40 Uon ir vn- swie siv truegent
23,41 Den tugende- den dvi stetekeit
23,42 Niht guotis ende hat bereit
23,43 Die mvn ovch tugende heize- niht
23,44 Die dez nam- niht hant v'giht
23,45 D' tugende nam ist sterke
23,46 Ze tuite als ich ez merke
23,47 Tugende . sint niht wa- ei- strit
23,48 Der stete . gein herte git
23,49 Gein dez libes broedekeit
23,50 Die er von nature treit
23,51 Uon sinen muotgeluste-
23,52 Vn- boesen akusten
23,53 Die von nature im an wone-t
23,54 Un- im die sinne gar v'rone-t

23,55 Si wiget mit rehter weage
23,56 Den tugenden ane freage
23,57 Den hohgediende- w'den lon
23,58 Un- die wunneclichin kron
23,59 Div gein der sele glestet
23,60 Da si vor gote restet
23,61 Die kenpfen trage-t crone niht
23,62 Von reht e man in sigis giht
23,63 Die wile d' man in kampfe stat
23,64 Un- im sin kanpfgenoz niht hat
23,65 Dez ware- sigdis alda v'iehin
23,66 Vn- div v'giht niht ist geschihin
23,67 Uon den rehte griezward
23,68 D' dar vbir ist geschart
23,69 Dc er die warheit kiese
23,70 Wer da mit reht verliese
23,71 Alder da gewinne
23,72 Dc stat an sinem sinne
23,73 W' er den sig nach rehte gebe
23,74 Dc er in frovden iemir lebe
23,75 Niema- den schifman prisen sol
23,76 E er dc port irgrifeit wol
23,77 Un- ab dem wilden wazz' kvnt
23,78 Vf stepfet vf der selde- grunt
23,79 O we wer enkirt vf den grie-
23,80 Da im der himilschliche kien
23,81 Mit tusint lichtin zvndet
23,82 Dez h'schaft nieman grundet
23,83 D' die marner lendit
23,84 Der schif . sich zvo im lendit
23,85 Un- git in rehten segilwint
23,86 Die e warin lichtis blint
23,87 Verirret in der sunden nebil
23,88 Dc si dc bech vn- och den swebil
23,89 Der vntugint entreinet hat
23,90 Dc nieman rein beliben lat
23,91 Wan si der reinen sele wat
23,92 Gehonet wol vntz vf de- grat
23,93 Uor got vntugent smeki-t
23,94 Die sinen zorn weckint
23,95 Un- vnsir sel vertremment
23,96 Lip vn- sel erlemment
23,97 Vn- hant vns selden vil v'tribe-
23,98 An den buochin stat geschriben
23,99 Dc der wise gotisrat
23,100 In die vbilin sel niht gat
23,101 Der geist der vbirwillic ist
23,102 In den so gat kein wisir list

- 23,103 Wan got ist von nature guot
23,104 So guot dc da von kein muot
23,105 Getrahte- noch gesinnen
23,106 Noch ende kan gewinne-
23,107 Sin gute hat niht ende
23,108 Un- loset dc gebende
23,109 Dc von allen v-selden kvnt
23,110 Sin guote hat niht endis gru-t
23,111 So verre sin nature gat
23,112 Fur sin kranke- hantgetat
- 24,1 So vil vn- och sin edilkeit
24,2 Fur alle creature treit
24,3 Noch cleiner . vn- minder
24,4 Ist al der welte kinder
24,5 Sivnde vn- och ir schulde
24,6 Gein siner hohin hulde
24,7 Wa- als dvi scrift d' warheit giht
24,8 So moht d' welt svnde niht
24,9 Sin erbermede vbirwegen
24,10 D' man mit ruowe wolte pflege-
24,11 Wan sol d' warheit niht v'dage-
24,12 Got sprichit dur den wissage-
24,13 "Ze welhir zit ze welhir stunt
24,14 Dem sund' wirt si- schulde kv-t
24,15 Un- die besuftet mit sm'zin
24,16 Von ruiwe in sinem h'zin
24,17 D' wil ich niemer furbc
24,18 Gedenke- me noch habin haz"
24,19 Wa wart ie mi-neclichir wort
24,20 Un- suezers vf der erde erhort
24,21 So dc wir dur den suinde- not
24,22 Niemir werde schamerot
24,23 Die wir hie han begangen
24,24 Noch deste wir s enpfangen
24,25 O we wie ist vns so geschehi-
24,26 Dc wir niht an die mi-ne sehi-
24,27 Die got vns hat erzeiget
24,28 Un- sich gein vns geneiget
24,29 Got wil dc wir mit stetekeit
24,30 Gein siner crefte sin bereit
24,31 Wackir vn- vil munder
24,32 Dc er vns hie besunder
24,33 Ane slafen vinden
24,34 Dc wir sin ingesinde
24,35 Wesen bi der reine- maget
24,36 Uon der diz mere ist gesaget
24,37 Der got de- gurtel hat bereit

24,38 Vz der steten stetekeit
24,39 Un- si da mitte hat begurt
24,40 Dvi dur i- streit i- kampfis furt
24,41 Mit siner minne wafen
24,42 Wol er si selbir zafen
24,43 Uon himilrich d' w'de helt
24,44 Der hat die crankin vz erwelt
24,45 Div er in dirre welte vant
24,46 Dc er da mitte tete geschant
24,47 D' welte fursten vn- ir risin
24,48 Vf dirre kvrzen froede wisin
24,49 Dc wart wol an d' megde schin
24,50 Martine- dvi der welte pin
24,51 Dur in so frolich hat erlittin
24,52 Un- sine vient vbirstrittin
24,53 D' er so richiv cleider gab
24,54 Div nieman sneit noch wab
24,55 Ze hemde vn- ze rocke
24,56 Dvi himilschlichiv rocke
24,57 Hat eine suggenie
24,58 Dvi kvische vn- och div frie
24,59 Un- ein mantel vbir dc
24,60 Der hovelich gemachit wc
24,61 Vn- dar ob einen guirtel
24,62 Div reine gotis tuirtel
24,63 Un- an ir brust ein furspan
24,64 Als der guoten wol gezan
24,65 Div in siner minne bran
24,66 Aller tugent ei- blueiend' stan
24,67 Diz ist von dem Schappel daz hat Fvinf blvomen . Got sazt ir vf ir hovbit
24,68 Als megden ist irlovbit
24,69 Ein rich gebluemtes schappel
24,70 Uon tugenden dc wc sinwel
24,71 Dc mac wol sin der erenkranz
24,72 Er wc von sehze tugende- ganz
24,73 Schon vn- wol gebluemet
24,74 Dc man ez iemir ruemet
24,75 Dc got selbir zierit
24,76 So rehte wol kvrtierit
24,77 Ane mal vn- ane rost
24,78 Vn- vbir al der welte kost
24,79 Wc ez so wol gepriset
24,80 Als mich div warheit wisit
24,81 So wc der erste blvome- bosche
24,82 Ane schinpf vn- ane hosche
24,83 Dvi vil hohiv demuot
24,84 Div alle tugende tuot behuot
24,85 Un- div vor gote blveiet

24,86 Die nidez plast niht mueiet
 24,87 Si hast so hoh genestet
 24,88 Dc si vor gote restet
 24,89 D' guote sant Bernhart
 24,90 Uon der demuot hat enbart
 24,91 Vn- spricht . "wir welle- demuot ha-
 24,92 D' vns v'smehde wil erla-
 24,93 D' abir vns versmahet
 24,94 Dvi demuot von vns gahet
 24,95 Un- och dur got armuot pflge-
 24,96 W' der gebrest vnd'wegen
 24,97 Wir werin wol dur got arn
 24,98 Mohte- wir wollust laze- varn
 24,99 Wir weri- och gedultic wol
 24,100 Der vns erlieze smehir dol
 24,101 Un- div gedult wer stete
 24,102 Der vns niht leidiz tete
 24,103 Wir pflge- och wol stetekeit
 24,104 Dc wir dem lib niht teti- leit
 24,105 Un- vnsir fleisch niht mvohte-
 24,106 Mit gisiln noch mit ruoten
 24,107 Noch mit gebrest . an spise
 24,108 Vn- wir den aten zvge- lise
 24,109 Un- alle- si fur war gekvnt
 24,110 Dc demuot ist ein fundemu-t
 24,111 Vn- allen tugende- sich' wec
 24,112 Si lat der sele keinen flec"

25,1 D' wissage ysayas
 25,2 Uon demuot hat gesprochi- dc
 25,3 "Swer hie guotvi werc tuot
 25,4 Ane rehte demuot
 25,5 D' tete alsam der sine schoz
 25,6 Offen gein dem winde groz
 25,7 Trueg da inne mel od' stovp
 25,8 D' duhte die wisen alle tovp
 25,9 Also sint vnsir werc ein spot
 25,10 Vn- dc gebet alhin ze got
 25,11 Da si och danne wisheit bi
 25,12 So sin wir von in nutzis fri"
 25,13 Demuot dc hvbsche blvemelin
 25,14 Stuont an dem stolzin schappeli-
 25,15 Dc dvi gotis dirne
 25,16 Truoc vor an ir stirne
 25,17 D' and' bluome dvi truiwe wc
 25,18 Den och dvi maget vz lc
 25,19 Martina div vil seldenrich
 25,20 Dem selbin blvome- ist gelich

25,21 Wan si wc niht nviwe
25,22 Noch blode an der truiwe
25,23 Hab ieman rehte truiwe ganz
25,24 D' brech dar in dekeine- schra-z
25,25 Wan si ist nv vngeneme
25,26 Der welte vn- widerzeme
25,27 Dvi truiwe ist och ein i-gesigil
25,28 Ein floz vn- och ein stark' rigil
25,29 D' alle tugende hat v'spart
25,30 Uor missewende vn- wol bewart
25,31 Dvi truiwe vn- och div minne
25,32 Sint wol in einem sinne
25,33 Trvwe ist d' mi-ne swestir
25,34 Vil stetir vn- vestir
25,35 Da-ne nv si geswuistirgit
25,36 Als ist div welt och nv gesit
25,37 Dvi trviwe ist och ei- tristkam'
25,38 Un- tuot dvi wilden h'ze- zamer
25,39 Danne al der welte miete tvo
25,40 Sit lat niht abe spat noh frvo
25,41 Si git den tugende- guot geleit
25,42 Div truwe vn- och dvi stetekeit
25,43 Die sint von rehtir art gespiln
25,44 W' moecht ir lob ze reht erziln
25,45 Trvwe ist d' tugende- ei- gezelt
25,46 Un- wiget in alle- hohis gelt
25,47 S ist allir tugent ei- kam'erin
25,48 Vn- schenkit in der mi-ne win
25,49 Der von dem lebinde- brv-ne gat
25,50 Dez fluz och niem' stille stat
25,51 Trvwe ist d' tugende malhe
25,52 Dem tuschen als dem walhe
25,53 Truwe ist der tuge-t ei- bluome
25,54 Un- der erbermede muome
25,55 Die zwo vn- och die mine- ha-t
25,56 An sich gesnitte- ein gewant
25,57 Die drie went alleine
25,58 Haben . ir dinc gemeine
25,59 Als guot frivnde g'ne tuont
25,60 An der megde schappel stuont
25,61 D' dritte bluome mezekeit
25,62 Den wol div magt nach rehte treit
25,63 Wa- si wc messic an gesiht
25,64 Dar an mishvete si sich niht
25,65 Si wc och mesic an der rede
25,66 Die furte si vf rehte pfede
25,67 Si hielt die maze an spise
25,68 Gein zorne . warb si lise

- 25,69 Un- mezic an dem tranke
 25,70 Dc wag ir got gedanke
 25,71 Si wc och mezic an ir sitte
 25,72 Si gie niht vz der maze scritte
 25,73 Div maze stozt den tuge-de- zil
 25,74 Si tuot ze wenic noch ze vil
 25,75 Maze ist z allen dinge- guot
 25,76 Die tugende si-t mit ir behuot
 25,77 Ellvi werc sint gar ei- wint
 25,78 Div ane rehte maze sint
 25,79 Wc sol ze kalt vn- och ze warm
 25,80 Wc sol ze rich vn- och ze arm
 25,81 Wc sol ze lanc vn- gar ze kvrtz
 25,82 Ze bitter gar ze sueze ei- wurtz
 25,83 Wc sol ze hoh gar ze nider
 25,84 Wc sol gefuigel ane vider
 25,85 Wc sol ane scham ein wip
 25,86 Un- ane fuoc . dez ma-nis lip
 25,87 Wc sol dvi selde ane kvnst
 25,88 Wc helfent si-ne ane v'nunst
 25,89 Wc sol ze stark oder gar ze swach
 25,90 Wc sol ein hvz ane tach
 25,91 Wc sol ein ritter ane muot
 25,92 D' ist och ze nvite guot
 25,93 Dvi maze tempirt allvi di-c
 25,94 Umb alle tugent ein ganz' ri-c
 25,95 Div maze ist ist allir tuge-de . vol
 25,96 Dez stat si an dem schappel wol
 25,97 Dc dvi reine maget truoc
 25,98 D' ich e da vor gewuoc
 25,99 Dvi vierde bluome- stude wc
 25,100 Dvi sich zvo dem schappel wol maz
 25,101 Dc vil reine tugende vc
 25,102 Uil liehtir da-ne ein spiegilgc
 25,103 Dvi milte erbermherzekeit
 25,104 Die got von nature treit
 25,105 Vbir sine hantgetat
 25,106 Uon der dauid gesprochi- hat
 25,107 Dc dvi erbermede d' er pfligit
 25,108 Vbir ellvi sine werc wigit
 25,109 Er sprichit me an dirre frist
 25,110 Dc och dc ertrich alles ist
 25,111 Mit sinr erbemedede vb'fvlt
 25,112 Niema- ist so gar v'schult

 26,1 Er werde in kvrzin stunden
 26,2 Mit ruwe gar enbunden
 26,3 Da von niema- v'zwiviln sol

26,4 Got ist irbermekeite vol
26,5 Da von staht er dc blvmelin
26,6 An d' megde schappellin
26,7 Dvi vobte erbermede ellvi zit
26,8 Da von ir truogen groze- nit
26,9 Dez tievils burgere
26,10 Den wc ir lebin swere
26,11 Wan siv erkande- gotis niht
26,12 Ir lot wc valsch vn- ir gewiht
26,13 Erbermede ist lazin vn- gebi-
26,14 Dc svnt ir m'ken rehte ebin
26,15 Ir svnt v'stan dc gebin also
26,16 Swen ir die armuot fro
26,17 Mit ivwer gabe machi-t
26,18 Dc si von frovde- lachent
26,19 Wend ir dc lazin och v'stan
26,20 So svnt ir gar von h'zen lan
26,21 Swc iv leides ie geschach
26,22 Uon schaden vn- vo- vngemach
26,23 Dc svnt ir gar vo- h'zin tuon
26,24 Lip vn- sel machen svon
26,25 Sw' sich mit vbil richit
26,26 Vn- dc pater noster sprichit
26,27 D' bittit grozir rache
26,28 Got in latinschir sprache
26,29 Swenn ' ze gote sprichit sa
26,30 "Et dimitte nobis debita nostra
26,31 Sicut et nos dimittimus"
26,32 Un- da-ne abir alsus
26,33 "Debitoribus nostris"
26,34 So sint ir alle sin gewis
26,35 Dc er im selbin fluochit
26,36 Vn- vbir sich rache suchit
26,37 Er bittit gotis hulde
26,38 Uergib vns vnsir schulde
26,39 Als wir vnsirn schulden'en tveie-
26,40 Die vns mit leide muoie-
26,41 Sw' da-ne von h'zen hat v'gebi-
26,42 D' vert nach siner bet vil ebi-
26,43 Sw' abir mit argim wille- g't
26,44 Wie wirt er siner bet gew't
26,45 Nv trahte ein wol bescheide
26,46 Die v'lust . vn- den gewin
26,47 Un- laze disen kvrzin zorn
26,48 Dc er niht iemir si v'lorn
26,49 D' tugenthafte Seneca
26,50 Sprichit von irbermede da
26,51 Dc si menschlichir nature

26,52 Ein lutselic figure
26,53 Si vn- ein mi-neclichis cleit
26,54 Dc die menscheit tuot gemeit
26,55 Vn- machit si vnmelic
26,56 D' welte . lutselic
26,57 Wan si den lip schonet
26,58 Un- die sele cronet
26,59 Vn- sich nach gote v'wet
26,60 Da von si wirt gemerwet
26,61 In dc vil senfte mineioch
26,62 Un- lat der welte sw'es bloch
26,63 Dc lip vn- sel erlemmet
26,64 Vn- allis heil v'temmet
26,65 D' och irbermede niht hat
26,66 D' ist ane cleit vn- ane wat
26,67 Un hat sich selb entedilt gar
26,68 Vn- ist d' edilkeite bar
26,69 Die got an die erbermekeit
26,70 Uon frier guote hat geleit
26,71 Die gotis gabe ertovgent
26,72 Sin' ebin menschin erlovgent
26,73 Er v'lovgint an dirre frist
26,74 Sinen brvoder Jesu crist
26,75 D' vnsir niht lovgen wolte
26,76 Do er sterbin solte
26,77 Uon sin' mi-ne vbir vns' heil
26,78 Er loste vns vo- der svinde- seil
26,79 Vn- hat erbermede vns vor getragen
26,80 Uf erde in m-schliche- tagen
26,81 Dc wart an dem schach' schin
26,82 D' sprach "h're gedenke min
26,83 So dv in din riche
26,84 Komest gewaltecliche"
26,85 Noch hate furbc kein bet
26,86 Nv horent wc der sueze tet
26,87 "Amen ich sage dir fur war
26,88 In dem paradise clar
26,89 Solt v noch hvte bi mir wesi-
26,90 Uor aller not vil wol genesi-"
26,91 Svz wart er tusintvalt gew't
26,92 Me da-ne er hat an in gegert
26,93 Martina dvi vil reine magt
26,94 Mit d' erbermede wc betagt
26,95 Div sich nach gote bildet
26,96 Ir herze wc gemildet
26,97 Uon tugende- d' si hate genuoc
26,98 Si hate glinpf vn- dar zvo fuoc
26,99 Da von si dem bluome- cluoc

26,100 Irbermede an ir schappil truoc
 26,101 Der fuinfte blvme wc gestaht
 26,102 An de- cranz wol geslaht
 26,103 D' die maget kronen sol
 26,104 Wan dvi wc allir tugende vol
 26,105 Ir h'ze och ane gallen wc
 26,106 Dc sveze zvckirmesic vc
 26,107 Dc hate got gewihit
 26,108 Da von ir niht v'zihit
 26,109 Sin guete swc si bite- wil
 26,110 Wan si der martir h'tis spil
 26,111 Dvr sine liebi hat gespilt
 26,112 Da von ir lob ist vz gezilt

27,1 Nv ratent ane grozin hc
 27,2 Wc der fivnfte blvomen wc
 27,3 Wan ez wc niht d' lilie wis
 27,4 Uil v're hohir wc sin pris
 27,5 Ez wc och niht d' rose
 27,6 Noch der zitelose
 27,7 Ez ware- ovch niht geleien
 27,8 Die man da siht ze meien
 27,9 Noch der wegebluome
 27,10 Er wc vil hohir an ruome
 27,11 Un- wc och niht d' viol
 27,12 Noch div gelwe batenie hol
 27,13 Galbine noch div rute
 27,14 Dc div gotis trute
 27,15 Truoc an ir schappel
 27,16 Noch tille noch der venkil
 27,17 Ez wc och niht d' gruene cle
 27,18 D' vf d' heide vn- vf dem le
 27,19 Fivhtit in dem tovwe svoz
 27,20 Noch d' gelwe hanefuoz
 27,21 Ez wc och niht div minze
 27,22 Die der engil prinze
 27,23 Stahte an der megde krenzil
 27,24 Ze stuire an ir swenzil
 27,25 Den er ir vor gegeben hat
 27,26 Ane snit vn- nat
 27,27 Nach hohim prise wol bereit
 27,28 D' bluome von dem ist geseit
 27,29 D' ist als ich doch wene
 27,30 Vil luiten selzene
 27,31 Ich bin sin leid' alze fri
 27,32 Ez ist div luter gehorsami
 27,33 Dvi Jesum crist den lobsam
 27,34 Uon dez vattirs schoze nam

27,35 Vn- vz sinem buozen
27,36 Umb vnsir svnde truosen
27,37 D' div welt wc erfult
27,38 Vn- stalt dez vatirs vngedult
27,39 Un- dar zvo sinen alten zorn
27,40 D' vns von schulden ist erkorn
27,41 Svz zoh in div gehorsami
27,42 Abe dem dem liechten kerubi
27,43 Un- sazt in vf der erde stovp
27,44 Da von erretet wart d' rovp
27,45 Dez er vil lange wc entwert
27,46 Vn- von dez tievils reise v'hert
27,47 D' wc ir h're un- och ir voget
27,48 Biz dc d' milte kan gezoget
27,49 Vf sinen spor mit cleine- her
27,50 Svnder danc vn- ane wer
27,51 Nam er im sin hangetat
27,52 Die er verlor dur sine- rat
27,53 Un- leit im vf dc swere ioch
27,54 Vn- sluoc in in daz hellebloch
27,55 Da ist er in v'bisset
27,56 U'sichirt vn- gewisset
27,57 Da lit d' arge boeswiht
27,58 Vil gar . an alle zvov'siht
27,59 Gehorsami in mere twanc
27,60 Dc er verkos der engil sanc
27,61 Un- der himel seitspil
27,62 D' da ist ane maze vil
27,63 Vn- leit sich in die krippe
27,64 Dc iunge murwe rippe
27,65 Lac . vf dem herten hovwe
27,66 Uon ivda der starke loewe
27,67 Dez vattirs einborne kint
27,68 Ob im der esil vn- dc rint
27,69 Dvi in vil bc erkanden
27,70 Da-ne die kvnge von den lande-
27,71 Er lac och kvngen niht gelich
27,72 Swie hoh sin vatir wc swie rich
27,73 So lac er doch v'wunde-
27,74 An den selben stunden
27,75 Als kvngis kinde niht gezam
27,76 Bedeckit niht mit buggera-
27,77 Noch mit dekeine- schamblat
27,78 Der div welt doch me-gen hat
27,79 Noch gewunden in den zendal
27,80 Noch in die pfellor lihtgemal
27,81 In hat och div muoter sin
27,82 Gewunden niht in baldegin

27,83 Noch in den richin cidat
27,84 Niht bessirs och dvi welt hat
27,85 Noch in den tuiren samit
27,86 O we wie iemerlich er lit
27,87 Er lac den fuirsten vngelich
27,88 Uon dem alle kvnge ir rich
27,89 Habent vn- ir cronen
27,90 Wer moehte im dez gelonen
27,91 Man wolt sin lvizil schonen
27,92 Un- wac in als ein bonen
27,93 Er lac alda niht vf gevid'
27,94 Nahe bi der erde nider
27,95 Lac der vil gehuire
27,96 Im waren bette tuire
27,97 Dc wc vbir die maze
27,98 Er lac och an der straze
27,99 Er hate niht eigen hvs
27,100 Nv trahtent dc ein armvi mus
27,101 Hvsir vn- bette pfliget
27,102 Un- allir kvnge herer liget
27,103 An der straze bi dem wege
27,104 Ane der waelte zarte pflege
27,105 Man darf sin niemer svochin
27,106 Wan in den cranken tuochin
27,107 Un- in den swachin gudirlin
27,108 Da want in div maget in
27,109 O we dem iem' armen
27,110 Den dc niht wil erbarmen
27,111 Vn- niht i- iamir schinen
27,112 Man mach doch de- swinen